



Universitätsbibliothek Paderborn

**EPISTOLAE TRES AD || D. IOANNEM PAPPVM ||
THEOLOGVM LVTHE-||RANVM:|| PRIMA, Excitoria, cùm in
seruando iureiurando Emetingæ facto, ne-||gligentior
esset Pappus.|| SECVNDA, Refutatoria Parallelorum ...**

Pistorius, Johann

COLONIAE, 1594

VD16 P 3042

Epistola Posterior Elvsdem D. Pistorii Ad Evndem D. Pappvm. Scripta post publicationem Parallelorum: ad magis ostendendam Pappi in præstanto promisso in anitatem, & ad apertißimè ante mundi ...

urn:nbn:de:hbz:466:1-43314

EPISTOLA POSTERIOR
EIVSDEM D. PISTORII AD
EVNDEM D. PAPPVM.

SCRIPTA post publicationem Parallelorum:
ad magis ostendendam Pappi in præstanto
promisso in anitatem, & ad apertissimè ante
mundi conspectum proponendas istius honi-
nis & libri nugas.

V M Parallelia tua, miserrima parallelia,
parum oculis percurrissem, Pappe: di-
cam ingenuè quod accidit: miseratus ve-
hementer vicem sum conditionemque
tuam: & optauit ut promissi sancti tui me-
mor, quod post coenam Emetingæ in ma-
gna hominum frequentia mecum paetus eras, & ad cuius
te postea memoriam in prioribus literis reuocauit: vel
ad scribendum, animum appulisses nunquam, vel certè
id quod in pactione venerat, præstari nec à te nec à quo-
quam Lutherano posse, elocutus liberè & professus si-
mul fidem nostram Catholicam fuisses. Sic enim & ma-
gna temolesta liberasses, & tuam non tam turpiter sor-
didasses existimationem.

Meministi, quemadmodum tum statim prædicerem,
quod omnibus scriptoribus vsuuenit, idem contigisse
sancto Augustino: vt diuersis locis, quia rem eandem
non eadem attentione tractauit, nec priorem semper
explicationem adhibuit: quod illum facere breuitas ser-
monis & occupationum multitudo, & rei ista ætate in
omnium animis contestata perspicuitas sæpe non fine-
bat: iam minutis & in eius lectione non exercitatis viris
pugnare & dissidere secū videatur: præsertim cùm inter-
spersæ hinc inde in varijs libris sententiæ, vel à contextu

A 3 orati-

6 EPIST. POSTER. D. PISTORII
orationis abiunguntur, vel non satis omnibus momen-
tis considerantur.

Itaque continuò promisi, planum me facturum, nul-
lam vñquam sancto Viro excidisse contrariam vocem
quam non ipse ante mortem correxerit: & causam, cur
non omnia primo aspectu congruere, vel sancti viri de
religione sententię in dissimilitudine & varietate positę
esse existimantur, consistere totam in hebetudine & ma-
litia eorum qui sanctum virum legunt: eoque monui, si
vir honestus & literatus haberi velles, vt non in paucis
verbis, nec in sono externo, nec in uno semper loco hæ-
reres: perpenderes magis quid in continuata & à princi-
pio libri, vel capitis ad finem profusa oratione, & quid in
omnibus libris primis, medijs, postremis significasset;
aut quò animum retulisset suum vir sanctus. Si quid ob-
scurum vel difficultate implicatum occurreret, iussi vt
ex cæteris sancti viri libris, vbi sententiam suam maiori
perspicuitate illuminasset, tanquam ex fontibus hauri-
res intelligentiam: & nunquam in istam te fatuitatem
dares, vt contrariam vnam in sancto Augustino esse sen-
tentiam, quam ipse non explicauerit, crederes: nec vil-
lum vñquam ex sancto Augustino in libro tuo appone-
res testimonium, quòd non accuratè in omnibus Augu-
stini libris perspexisses, & in conscientia tua ad eam sen-
tentiam, ad quam adscriberes, serio valere iudicares:
Dixi enim, si quoquo modo ex sancto Augustino ad tu-
tandum infelicem Lutheranismum mutuari testimonia
cogitares, nec respicere velles, quid reuera sanctus Vir
credidisset, non opus futurum vt trimestre ad deliberan-
dum postulares: me paratum esse ad continuò recitan-
dum omnia, quæ haçenus cæteri Lutherani de mundi-
tia sancti Viri foeditatibus suis, in libris publicis obduxis-
sent, & quæ tu procul dubio, si in istam eandem viam in-
gredi velles, repetiturus es.

Isto igitur tempore cùm per Deum te, per conscienciam

tiam

tiam tuam, per salutem animę obtestatus essem: scis quid promiseris, & ad quam nouam accesserit vterque stipulationem, cùm tu quidem palam iuratus ediceres: vel certis planissimisque locis constantem te sancti Augustini sententiam adscripturum: vel si id diffideres, accepturum sine dissimulatione ad Ecclesiam nostram & ad vnam nobiscum profitandam religionem: ego verò vicissim, si Lutheranum fuisse sanctum Virum isto modo probares, Lutheranum me statim futurum iureinrando confirmarem.

Atque istius pacti prior te epistola diligenter commonuit, cùm ego præsentiens quid facturus essem, & honoris tui quam tu amantior, anteuertere imprudentiam tuam, & te dormientem excitare ad considerandum ius*re*jurandum, & ad retinendam existimationem volui.

Vtinam verò cohortationi locum dedisses meæ: vt nam & quid iurasses, & quid postea tum præstares, tum in præfatione præstitorum te dices, satis reputasses animo: sic enim in apertam despectionem te nomenque tuum nō proiecisses: & viri boni fecisses officium. Nunc quid de te dicam, quid de te sentiam nescio, Pappe.

Primum, ea quæ in te recepisti, non præstitisti in parallelis: sponsonem in quam te incluseras, non vicisti: debes adhuc promissum vniuersum: vt honestus vir esse non possis, si Papista non fias & nobiscum te consocies: quia trimestre, quod petebas, præterfluxit: nec tamen vel in parallelis, vel in literis fidem liberasti tuam. Nec iam dicam quòd non rectè promissum solueris: inclamo publicè & docebo postea, nullo modo solutum promissum, & frustra totum parallelorum susceptum laborem: & ne quidem adiectum vñquam abste animum esse, vt sustineres promissionem. Nihil enim editio parallelorum ad sponsonem tuam attinet.

Secundò, si maximè in parallelis stare conuentis & facere promissum voluisses; tamen id & præter rem & tam

S E P I S T . P O S T E R . D . P I S T O R I I

ram fecisses ineptè, vt ne sic quidem nobis, quod spopon-
disti, exhiberes. Nam multa inter nos non controuersa,
laborasti, vt copiosè cōmunires sancti Viri testimonijs:
credo ad magis amplificandum librum, quod à te mini-
mè requirebatur: cùm non de concessis, sed de illis tan-
tum pactio interuenisset, quæ in quæstione posita & Lu-
theranæ sectæ propria essent. Deinde etiam in contro-
uersis nullum vñquam locum in toto libri decursu aptè
apposuisti, vt in rem quadraret: tanquam si apertè ludifi-
care mundum constituisses, & nos omnes probardis &
truncis haberes: qui inanitatem istam tuam, & illusio-
nem publicam animis prospicerem non possemus.

III. Tertiò, tametsi in Augustanam solam Confessionem
non venisset sponsio: & tu similia verba S. Patris ad the-
ses tuas non ineptè accōmodasses: Tamen ne sic adhuc
quidem, Pappe, fidem defendis festuam: postquam ipse
in præfatione clarissimè testaris, nec posse te nec velle
declarare, quod promiseras, Lutheranū fuisse S. Patrem:
Ostensurum tantum, quòd multa habeat consentanea
Confessioni Augustanæ: cùm interim superesse Papistica
multa in eodem S. Patre non neges. Fateris igitur non
te hoc præstiturum quod iuraueras, nec facere posse: Ta-
men à secta tua non discedis: & ter contra officium boni
viri & cōtra fidei religionem tuæ peccas grauissimè: pri-
mùm quòd pactum non præstas: deinde quòd cùm præ-
stari non posse libenter & prolixè concedis, tamen con-
tra iusurandum cùm Papistica te Catholica religione
nostra non consocias: tertio, quòd simul & negas pro-
bari posse: & tamen tanquā si pulcherrimè probasses, sic
in titulo vis & ingressu præfationis euictor videri sponsi-
onis promissionisque tuæ. At Papæ, Pappe, an hoc est
honestè agere?

IV. Quartò, quasi non satis esset à iuramento discedere:
voluisti etiam historiam Ementingani colloquijs corru-
ptelis tuis peruertere: & quæ nunquam acciderunt, sic
comme-

commemorare, tanquam si enuntiata in colloquio fuissent.

Quintò, vt vulnera, quæ isto loco accepisti, dissimilares, repetiūisti miseras tuas, quibus constabiliſtum Lutheranismum cogitabas: nec attendisti, quomodo & quām perspicuē te Princeps sanctissimus & Magister Zehenderus refutassent, vt ipsa sine dubio conscientia tua fœditatem ineptissimarum rationum & turpitudinem in colloquendo tuam coarguat.

Hec verò Pappe si vera sunt, si sub omnium aspe-
ctum & oculos sic subijciam, vt vera esse liquidò planissi-
meque perspiciantur: quid Pappe, mi Pappe, nos de te
sentire existimabis? & quid ipse de te senties? Et an non
dolebis, quòd per inconsiderantiam tam te grauiter di-
gnitatemque tuam læsisti? quòd non mihi morigeratus,
vel nomen tuum religioni Christi dedisti? vel interim si-
lentio passus es præterfluere promissi receptiꝝ; tui mu-
nus: quod patrari exsoluiꝝ; non posse, nisi te in nostram
fidem tradas, & sine dubio tum statim agnouisti; & iam
intelliges multò magis.

De illis igitur quinque capitibus tecum agam, Pappe,
& agam amanter: & docebo, vera esse, quæ scripsi: & tan-
dem ad passionem te reuocabo tuam, vt quia omnibus
præsidij ad defendēdum id, quod tum fortassis non qui-
dem credebas, sed tamen tanquam extreum præsidium
ad honestam fugam arripiebas, exutum te despoliatum-
que vides, recto itinere ad religionem Christi Catholi-
cam progrediare, & maculam ipse aspersam honorino-
miniq; tuo, rursus deleas. Velim enim mihi credas Pap-
pe: si id non facies: nos ex passionibus duabus, quarum
vnam cum Reuerendo & clarissimo Viro Domino Do-
ctore Hænlico, alteram mecum suscepisti, honestum te
& bonum virum & iurisurandi studiosum esse non sine-
mus: nisi fortassis ante omnium hominum conspectum,
& in munditorius oculis, iurisurandū te falsum per igno-

rantiam iurasse confiteri cogites. Illam verò consilijs viam si te inire videbimus, quod tamen minime exspectamus: tum fortassis, & nos de responsa circumspiciemus, quo te coram Mundo & Angelis à voto liberemus, ut interim perpetua ignominia in te nomineq; tuo insidieat.

CAP. I.

Et ne diu te Pappe detineam, primū agemus de capite primo: & demonstrabimus promissum te edendis parallelis, miserrimis parallelis, non compleuisse: & fecisse nihil quod ad ipsionem valeret: eoque non minus promissi teneri, quam si prorsus nihil scripsisses.

Et id tu quidem iam nosti, cōuictus Protocolli conscientia: sed vt omnes tecum historiam pactionis propositam ante oculos & omnibus partibus explicatā habebant, meministi Pappe, bis te in colloquio Emetingano venisse ad pactionem: semel primū, cùm ipse extrema necessitate constrictus, cùm neque respondere Principi & Zehendero, nec honeste fugere posses, ante Domini Doctoris Hænlini interpellationem confirmares, te de omnibus Doctoribus, qui cum Augustino vixerunt, & de ipso sancto Augustino, plānum facturū, quod cum omnibus & singulis Augustanæ Confessionis articulis in uniuersum consenserint: Deinde secundò, cùm à Domino Doctore Hænlico cōmonitus, dextram porrigeres, & cum dextra iustigeres fidem; quo tempore nec omnes Doctores, nec Augustanam confessionem verbo ullo, sed solum Augustinum & totum Lutheranismū & tu nominasti & ille cum Principe repetiuit.

In priori igitur pacto, quod ad Principem & Auditores omnes directum erat, verum est, mentionem factam esse Confessionis Augustanæ, sed simul, Pappe, nec solum nec primo loco Augustinum, sed omnes Augustini æquales Doctores cum Augustino producebas, tanquam testes & subscriptores uniuersæ doctrinæ, quæ in Augustanam illam confessionem vestram confluxit. Verba tua sunt, quæ agnosces, aut si negas, puer aliquis ex protocollo recitabit.

Quia

Quia (inquit Pappus) toties ex me queri video, an posse Apostolos Ecclesia vna nominari possit, quæ cum Augustana confessione congruat: itaque ne Ecclesiam eiusmodi commonstrarere, vel non posse, vel non velle videar, repetam quidem primum omnia quæ heri dixi, opus ista accuratione non esse, & esse satis, si Lutheri doctrina ex scripto Dei verbo probetur: tamen ipsis sanctis, & ex superfluo in nomine Dei & huius auxilio intra breue tempus ostendam, omnes Doctores qui tempore Augustini vixerunt, ut etiam ipsum Augustinum, docuisse omnia prorsus consentaneè articulis omnibus & singulis Augustanae confessionis.

Hæc igitur tu Pappe, tum publicè in colloquio, antequam te ad stipulationem deposceret Dominus Doctor Hænlinus; cum sexcenties interrogatus & tanquam stimulis incussus esses; nec quod te reciperes, vel ex theatro subduceres, haberet, palam dixisti, & te dixisse non insciaberis: nec insciari potes. Nihil hinc dicam, te in isto loco turpiter pervertisse causæ statum. Nunquam enim ab aduersarijs tuis quæsumum fuit, an Ecclesia vlla vñquam Augustanam confessionem assensione sua probasset: sed semper & Princeps sanctissimus & optimus Zehenderus, proselytus tuus, & senis Doctoris iuuenis victor, an Lutherana, in omnibus cum Lutherò consentiens Ecclesia vñquam extitisset, ambo interrogauerunt: confessionem Augustanam in ista quæstione verbo uno attigerunt nunquam.

Et tu Pappe, in sessione tertia, quarto Iunij, an meministi quid dixeris: & quomodo quæstionem ipse definieris, cum sessionem concluderes? Aiebas enim, ut protocollum habet, de eo quæri: *An in durante Papatu unus vel plures commemorari possent, qui in omnibus primarijs articulis ad salutem pertinentibus, idem sensissent, quod Lutherus sensit: & promittebas Pappe, ad proximum conuentum te aliquot exemplis instructiorē factum, illud ipsum probaturum.*

Itaque Pappe statum negotij, quem & aduersarius constituerat, & tu ipse receperas, in priori pacto contra

officium boni viri corrupisti: & quod de Lutherana tota religione promiseras, postea ad imprudentiam promissi respiciens, voluisti in Augustana confessione præstare, tanquam in Lutheranarum opinionum particula minima, ut deinde decebimus: sed Pappe, istam à promisso discessione libidini tuæ cōdonabimus: nec te nimium constringemus, Parallelistam miserum; Concedemus omnia: potueris Lutheranismum totum complecti sub inuolucro Augustanæ confessionis: rectè illud feceris.

Tamen sic non effugies Pappe: & verum semper est: primam sponsonem non de uno sancto Augustino fuisse, sed de omnibus quarti seculi Doctoribus, qui cum sancto Augustino vixerunt, ab anno 390. usque ad annum 440. (tamdiu enim secundum Sigebertum viuentis Augustini industria & authoritas in Ecclesia Christi floruit.) Promisisti igitur primùm, omnes illos in omnibus cum Augustana illa tua inconstantia consensisse; id quæ te non multò pòst testimonij declaraturum: quod tamen præstiristi nunquam: nec ad illud præstandum animum eousque appulisti tuum.

Deinde verò Pappe ab ista promissione ipse rursus discessisti: & antecessit isthac pactio stipulationem postremam vestram. Nam cùm illa inuerecundè elocutus essem, & promissionē illam prolixam & liberalem tuam primam absoluisses: admiratus verò Dominus Doctor Hænlinus incredibilem impudētiam tuam, inclamaret, si tu unquam de sancto Augustino probares, fuisse Lutheranum in omnibus, se è vestigio futurum istius eiusdem sectæ assertatorem: tantum ut si contrarium doceretur, tu, Pappe, Papista viciissim fieres & maneres: hæc enim Protocolli verba sunt: Ibi tum enata noua secunda stipulatio inter vos ambos fuit: non de confessione Augustana, quæ silentio prætermitebatur, sed de tota complexione Lutheranæ delirationis, & de solo sancto Augustino, non de cæteris doctoribus.

Nam

Nam & clarissimus Doctor Hænlinus, Augustinū in omnibus Lutheranum ostendi cupiebat, & tu respondebas: nisi PROBARES sanctum Augustinum in omnibus (Durchaus) Lutheranum fuisse, te per dextram coram Deo & mundo iurare, quòd & futurus sis & mansurus Papista. Agnoscis enim verba tua: Et ipse sanctissimus Princeps idem de Vniuersa Lutheri credulitate adhuc semel ingeminavit priusquam posterior stipulatio confirmaretur.

Tunc enim primùm & vos dexteras coniunxitis, & Princeps imposita manu sponsonem roborauit: tamen rursus quòd de toto Lutheranismo conuentum esset, antequam sessionem finiret, nouis perspicuis verbis explanauit Princeps, ne qua relinqueretur dubitatio.

Nec vñquam in extrema collocutione, nec postea usque ad exitum colloquij, nec in tua Pappe, nec in aliorum conclusione, verbum appositorum vnum, nec emissâ vox vlla fuit de Augustana confessione. Iurastis omnes & recitauerunt cæteri de Lutheranismo toto: & sic postremò inter vos transactum: & sic discessum fuit.

Vt igitur primam sponsonem, Pappe, de Augustana confessione & de omnibus istius memoriae Doctoribus: sic postremam de toto Lutheranismo & solo Augustino fecisti: quod cum primis ostendendum erat, tanquam Principium totius disputationis. Nam vt scias, Pappe, id quod iam traditum est, repetetur in progressu orationis sèpissimè, & aliquoties aures circumsonabit tuas; quò magis considerare toto animo, & reuocare in memoriam, quoties opus est, debes, bis promissum à te factū esse: semel sine stipulatione: deinde tanquam interposito iureiurando per coniunctionem manuum: & primùm quidem de omnibus quarti seculi Doctoribus & Augustana confessione: sed secundum de solo Augustino & vniuerso Lutheranismo, sine prorsus vlla recordatione confessionis.

Itaque Pappe, post ista iam posita fundamenta age-
mus tecum breuiter: & te ostendemus nullo modo ste-
tisse conuentis.

Primum enim Pappe, vel priorem vel posteriorem
sponsionem respexisti, cum parallela tua, lamentabilia
parallela, scriberes. Nos vero optionem tibi relinqui-
mus ut ipse deligas, utri sponsioni satisfeceris.

Evidem priorem ut praestares, opus non erat: quia
successerat alia magis iurata, & confirmata per dextram,
& per iuriandum. Hec igitur tanquam ultima, & ma-
gis contestata promissio compleri debuit: non prior a
qua rursus discessum fuit.

Tamen Pappe, respexeris priorem sponsionem. At
Pappe qui fieri potest? prior enim conuentio ad Patres
omnes qui cum sancto Augustino vixerunt, & quorum
libri ad nostram etatem peruererunt, attinebat: ad san-
ctum Hieronymum, ad sanctum Chrysostomum, ad Opta-
num Mileuitanum, ad sanctum Paulinum, ad sanctum
Maximum, ad sanctum Cyrillum, ad Orosium, Sulpitium,
Proclum, Theophilum, Philippum presbyterum, Pri-
masium, Theodoretum, Vigilium, Prosperum, Leonem
Papam, & ad infinitos alios. Forum igitur scripta cum in
manibus nostris sint, An tu ex illis, Pappe, verbum unum
in parallelis, calamitosis parallelis, inquam uno loco
ascripti? Edisse Pappe, ubi id a te factum est? si vero
factum non est, dic Pappe, quomodo edendis parallelis
fidem liberaueris promissi tui? cum confirmare Augu-
stanam illam confessionem ex solo Augustino non de-
beres: deberes ex ceteris Doctoribus omnibus.

Itaque perspicuum & in luce clarissima positum est,
parallelis tuis, fletilibus parallelis, sponsionem primam
eiusdem non esse: teque adhuc promissione teneri.

Rursus, Pappe, nec secundae stipulationi satisfecisti:
Hec enim a te requirebat, non ut cum Augustana confes-
sione: & multo minus, ut cum eius non controversis ar-
ticulis:

ticulis: sed ut cùm infinito toto Lutheranismo & Lu-
theranismi controuersijs omnibus (Durchaus) sentire
sanctum Virum declarares. Quia verò Pappe, nec hoc
præstisti: nec ut præstares apposuisti vñquam animum:
tantum spæstasti ut Augustanam cōfessionem sine Apo-
logia & sine reliquis Lutheri deliramentis, testimonijs
sancti viri quoquo modo infereires, & relinqueres arti-
culos Lutheranos quām plurimos: quomodo posterio-
rem stipulationem in parallelis tuis, miserabilibus paral-
lis, exsoluisti Pappe? cùm illa de Augustana confessio-
ne nunquam loqueretur: cùm confessionem nullo ver-
bo attingeret, sed tantum rēad Lutheranismum totum,
ad voraginem istam errorum omnium obligaret.

¶ Deinde ut maximè sponsio posterior non ad totum
Lutheranismum, sed ad solam confessionem te obstrin-
xisset: tamen ne sic quidem debitum persoluisses. Scis,
Augustana confessio, quoties & quām turpiter sit varia-
ta: confiteris ipse in vermiculosis scholijs tuis, quādam
verba fuisse maturè rursus detracta, ut tu iam in articulo
duodecimo quādam ex posteriori confessione adiicis,
quæ in priori editione ipse non posuisti: fortè quòd tum
te puderet mendacij, cuius iam non pudet. Nec negari
potest inter duodecim editiones dissimilitudinem esse
maximam. Itaque quia nec cum omnibus Augustanis
confessionibus coniunxisses sanctum Augustinum, nec
textum tuum genuinum esse ostendisses, nec potuisses si-
ne vitio, quid, Pappe, editione tua profecisses?

¶ Tamen falsum est, in ultima promissione emissum
esse, de Augustana defessa iam confessione verbū vnum:
memoriam vnam: syllabam vnam. Tota disceptatio &
sponsio de Lutheranismo fuit, & de toto Lutheranismo;
quousque illius se interminata libido profundit. Quo-
modo igitur, quod tam sanctè recepisti Pappe, præstisti?
An primam: an extremam: an vtramque sponzionem?
Die? quomodo? quando? ubi? Quare aliquod ex Vbi-
quita-

quitate tua ficus folium, quod turpitudini tuæ obducas.

Sed Pappe non potes: ne quidem si in tot te varietates, quot dissimilitudines sunt Sectæ tuæ, contorqueas: quicquid dices, semper constrictus eris: semper planum erit, nec priori nec posteriori promisso receptoque in hunc usque diem satisfactum esse tuo: eoque parallela tua, turpia parallela, frustra venisse in conspectum publicum: & te sic adhuc iureiurando deuinctum esse: ut si Deo & conscientiæ tuæ gratificatus, Papista non fias, honesti & constantis viri nomen sustinere in mundo non possis. Tribuemus Pappe imbecillitati tuæ, quod toto anno, cum trimestri deberes, promissum non exhibuisti: prorogabimus terminū, quem ipse tibi præstituisti: concedemus ne noceat honoris tuo. Tantum enuntia publicè: parallelis tuis, ineptissimis parallelis cōte quod intent debas, non peruenisse, nec peruenturum vñquam: profitere Catholicum Papistam esse sanctum Augustinum: nec posset tam perspicuam veritatem ullis nebulis obscurari: eoque ad nos accurre Pappe: si honestus vir, si non iureiurando tuo ludificasse Deum & mundum, videri vis, Pappe.

Dices fortassis Pappe, Augustanam cōfessionem esse totum Lutheranismū, neque sensisse quicquam Luthe-
rum quod in ista Confessione inscriptum expressumque
non sit.

Sed falsum dicas Pappe, si dices. Cogita primū, quem-
admodū Chyträus in editione Latina confessionis istius
tuæ folio 123. palam testetur, intermissos studiosè (vel
magis insidiosè) articulos sedecim, quos Lutherus, & ante
annos decem proposuerat, & defendebat, tanquam ca-
pita fidei: quāquam tu Pappe in Pappistuæ editionis im-
pudenter negas: an omnia necessitate Stoica euéniant
necessariò: an liberum arbitrium sit nihil: an indulgen-
tiæ aliquem habeant locum: an confessio auricularis sit
de necessitate salutis, &c. & istos articulos si ad salutem
pertin-

pertinere Pappe negabis, Lutherus dæmon te tuus refutabit.

Rursus cogita Pappe, confiteri eodem loco antecedentes tuos & sectæ tuæ magistros Theologos, & idem ad Cæsarem confiteri Principes: articulos non omnes, sed ferè omnes necessarios propositos esse. Id verò cùm factentur: an non concedunt, restare aliquos necessarios?

Iterum cogita, studiosè voluisse architectos confessionis, ut odiosi articuli dissimularentur, & ista taciturnitate vt fucus Cæsari & Imperio obijceretur. Id, cuius spiritus sit, perpende: vel nega adhuc Pappe, si potes: vt negasti in Pappismis tuis, quibus Confessionem ante trienium conspersisti.

Adhuc cogita de prodigiosa Vbiuitate, quam bennio ante effusam Confessionem tāquam proram & puppim salutis Lutherae Lutherus in libris publicis defenderat, an verbum vnum appareat in confessione?

Præterea cogita Pappe, quod in quinta propositione Lutheri fuit, & proponi corruptor tuus voluit, quo plus se homo ad iustificationem parat, hoc fieri deteriorem: item quod in undecima thesi significabatur, Euāgeliūm Baptismum, Coēnam esse libera, nec debere imperati, vt nec auricularem confessionem: item quod scurra in postrema propositione ascriperat, ceremonias etiam non pugnantes cū scriptura, tamen hominū libidini relinquendas esse liberas, & abrogādas esse Missas: ista omnia cogita Pappe, an in Augustana confessione tua legantur? & simul cogita an omnia, quæ in Apologia sunt, sint in confessione? & tum responde Pappe: an interminata vastissimaque Lutheri nouitas inuoluta tota sub integrumento sit confessionis Augustana?

Similiter cogita Pappe, an Augustana confessio doceat, in sub & cum pane & vino esse corpus & sanguinem Domini, vt tamen maneat panis & vinum in venerabili sacramento? sicut expressè poni iussit Lutherus in pro-

C pos-

positione X? Cogita magis an non contrarium istius in Apologia sit: conscientiam tuam excute: quære tecum: quære ex Heshusio an non Transsubstantiationem prima impressa Apologia confirmet: vt ipse concedis.

VII. Nec minùs cogita Pappe: An satisfactionem nō esse partem pœnitentia: An animas à corporibus abiunctas, dormire & suo modo tanquam corpora mori: An orandum esse pro mortuis: An Adiaphora permitti Catholicis: An opera esse necessaria ad salutem: An infernum hodie nullum esse: An purgatorium: An sexcenta alia sunt in Confessione, quæ sunt in Lutheranismo?

VIII. Cogita tandem Pappe, an quod est in Confessione capite 21. & in prefati uncula anteposita Articulis Abusuum, vniuersam inter nos & Lutheranos dissensionem tantum versari inabusibus: nec disceptari de articulis fidei: Cogita inquam an illa sententia Lutheri sit, & tum ex illius X V. propositione, tum cum tua conscientia considera, perpende: examina Pappe, & responde: & nega aliquid si vis: nega ex veteri impudentia, quam in scholijs tuis Confessionis contra omnem verecundiam ostēdisti.

Quid dicam de alijs plurimis, quæ in Lutheranismo sunt, & pro Lutheranæ varietatis articulis defenduntur, tamen in Augustana confessione testimonium vel indicium nullum habent: quædam etiam damnantur? An igitur adhuc includuntur omnia in Augustana confessione quæ Lutherus sensit? Et quid de Luthero dicam? Dicam proprius, An omnia sunt, quæ tu Pappe credis? & tanquam articulos fidei inculcas? & an omnia quæ Philippus, effeminatus Lutheranus: & quæ Flacius asperimus truncus, & quæ reliqui nati ex petulatia Lutheri natores, tanquam occultata in tricis confessionis credi voluerunt?

Nisi fortassis δύναμις confinges, sub qua res istæ omnes in uolutæ delitescant in confessione. Sed confinge Pappe: ostēdam statim non δύναμις sed διατίστη: docebo contra Lu-

era Lutherum, contra Lutheranismum multa in Augustana confessione proponi, quæ Lutherus paulò antè defestatus tanquam Diaboli doctrinam erat, ut illud præcipue in articulo 9. de libertate arbitrij humani in ciuili iustitia: & in articulo 19. Impios per voluntatem suam à Deo auerti, si Deus non adiuuet, cuius cōtrarium omnibus locis eousque docuerat Lutherus.

Falsum igitur est, Lutheranismum totum, & Augustanam confessionem rem esse vnam: & illa duo inter se reciprocari. Falsum est inquam & probari non potest: Nec totum Lutheranismum complectitur Augustana confessio: supersunt multa ante & post exhibitam Augustanam confessionem inuenta & defensa à Luthero & Lutheranis: non inscripta in Augustano libro, in volume volāte, de quo Zacharias propheta loquitur, cap. 5.

Itaque Pappe, quia de Augustana charta probare voluisti, quod debuisti de toto Lutherismo: operam male collocasti tuam: & probatum, Pappe, primum caput est, quod primo loco in libro tuo reprehendi, non vale re Parallelia tua, lacrymabilia parallelia, ad fidem ullam tuam, primam vel extremam liberandam: & nihil te illis publicandis assēcutum, hærere adhuc in pedicis quas ipse tibi per imprudentiam induisti: nec magis esse à voto liberum, quām si nullam literā fecisses: & si parallelorum tuorum, nullam adhuc duxisses lineam. Quid igitur dicemus? quid sentiemus de te Pappe?

Idem deinde probabimus de capite secundo: cuius CAP. IL partes fecimus duas: & diximus, tametsi ad sponzionem tuam attineret, ut soli Augustanae cōfessioni ex solo sancto Augustino subsidia conquereres: quod quoties dices, falsum dices: tamen multa te extra rem, cūm non opus esset: tum illis locis, vbi opus erat, nihil commodè, nihil aptè scripsisse, vt ne sic quidem vlo modo satis promisso fecisses pactoque tuo. Prosequemur vtrunque, & primò de non controuersis loquemur: Illa verò, Pappe, quor-

C 2 sum

sum probanda suscepisti? de quibus non controuersiamur? quæ nostra sunt, translata à nobis ad sectā vestram? sumta à nobis? An tam obtusus es, Pappe, ut cùm Augustanam confessionem damnari à Catholicis audis, existimes omnia quæ in eius complexione continentur, etiam nostra: etiam textum scripturæ damnari? Id verò Pappe si iudicasti, cur non etiam pro tua hebetudine ad verba Scripturæ, quæ in confessione interiecta sunt, autoritatem sancti viri, ut fecisti semel in articulo quarto, ita deinde semper adiunxisti ad magis complendum & faciendum librum?

Id Pappe in libris vestris reprehendimus: quod vestrū est: à vobis nuper excogitatum, & alienum à Christi religione quam nos sequimur. Cur igitur, Pappe, intermisisti tot testimonia de rebus, quæ in disceptationem venerunt nunquam? An vt omnia verba probares confessionis? Atqui nemo postulabat: nec intercurrerat in pactione: nec vir sapiens, nec consideratus Lutheranus quisquam laudabit: nec tamen omnia, etiam nobis communia probasti. Sed scio quid spectaueris. Voluisti Pappe, Pappo inani cōglutinare multa: vt ad molem aliquam cresceret liber: & lector, cùm foris intueretur, ex magnitudine putaret, confessam esse rem, quam promiseras. Et certè triplò minor esset liber, & istam dignitatem in ciuium tuorū oculis, & in externo aspectu non haberet, nisi tot testimonia non necessaria in unum cumulum contrusisses. Verùm iste, Pappe, non sunt virorum grauium artes: sunt inanium hominū: qui oculos præstringunt, & fabricant dolos.

Tamen rursus cōdonemus: An igitur etiam controuersa probasti ex sancto Augustino? consideremus pa-
xum Pappe, & ex infinitis adducamus pauca.

Thesis tertia confessionis in articulo primo definit personam non esse qualitatē vel accidens in re, sed quod propriè subsistit. Ad hanc duo ex sancto Viro testimo-
nia ac-

ni: accumulaſti: ſed dic Pappe per conſcientiam tuam: vel dicat puer aliquis, qui legere potest, quid in teſtimonijs ſancti Viri eſt ſimile theſi? legite quaſo Lutherani: cognofcete in eptias hominis.

Sic theſis iſtius eiusdem articuli ſexta an locū vnum aſcriptum habet, qui doceat, Spiritum non eſſe motum in rebus creatum? quod in theſi propositum erat?

Iterum articuli octauij theſis ſecunda, dic Pappe, quomođ ex teſtimonio Auguſtini, quod adieciſti, probatur? dic quomođ articulus decimus quartus, articuli decimi ſexti theſis tertia? decimi octauij theſis quinta de ſubſtantia actuum? abuſus ſecundi theſis tertiae? Inſta Pappe pappos & reſponde.

Sed viſum tibi ſit, Pappe, locupletare librum inſcrip̄tionibus & amplificare verbis: nobis ſatis eſt, patre feciſſe quomođ cū nullo pacto deberes, tanquam rimas libri inſerciens, contra rationem aptē & in eptē inculcaueris non neceſſarijas ſancti viri ſententias: & rurſus cūnne ſic quidem tumefceret liber, ſpatia multa reliqueris in chartis: tantūm ut magni ſpeciem voluminis praeſe ferret: cūnne interim ne quidem ea, quæ neceſſaria non erant, teſtimonijs aptis illigares.

Quod quo pudore feceris, tu iudica Pappe, & iudicent tui: Nos ad partem alteram ſecundi capitil procedimus ad breuiter oſtendendum, ne quidem in illis quæ inter nos ſub quæſtionem ſubiecta ſunt, potuiffe te literam vnam ſancti viri apponere: quin vel ipſe te vir ſanctus voce ſua conſutaret, vel locus in rem noſtrām non conueniret.

Et id quidem quia Reuerendus Clarissimusque Vir Dominus Doctor Hænlinus pro eruditione Theologica & Philosophica maxima ſua & pro accuratione exquisiti iudicij iam pulcherrime confeicit, tractabitur à me breuissimè: Dicam tantūm, nullum locū in vniuersum eſſe qui id probet quod tu ſperas & quod in theſi eſt: ſed eſſe

C. 3. te in.

te in isto toto labore versatum frustra, ridiculè, temerè & sine industria & consideratione: ut refutationem parallelę tua, sordida parallelę, minimè requirant: ipsa se prolixè refutent, quod & probauit iam per omnia capita Dominus Doctor Hænlinus: & si postulabis, probabo ego secundò: & profectus Argentinam, in oculis Senatus tui probabo: vel in libro publico in totius mundi conspectu.

Tamen etiam hoc loco attingam quædam, & conscientiam Pappe cōpellabo tuam: & de quatuor vel quinque locis ostendam, cuiusmodi vir sis, quid feceris: quomodo cūm sordes confessionis puritate sancti viri obtgere velles, deturpaueris te ipsum, & nudaueris dissectam in infinitas sectas sectam tuam.

Dic igitur Pappe, si Deum times: profitere Pappe, cūm testimonia sancti Augustini supponeres, an non intus in animo falsitatem tuam aspiciebas? & iam adhuc an credere potes, sic vñquā sensisse Augustinum vt confessionis tuæ sentiunt theses? An putas ad eam sententiam respexisse virum sanctum, ad quam tu inflectere cupis? Dic Pappe, tanquam si ante Christi tribunal assisteres, an vnum testimonium oportunè adiunxisse? & omnino, An te aliquid probasse putas?

Sed non dices, si tertiam solum thesin secundi articuli perpendes, cuius te turpitudinis roties pudere debet, quoties oculis foeditatem tuam lustras, nec ascripisses, si vir prudens esses.

I. Quæritur an concupiscentia sub iugum rationis subiecta, cūm in regeneratis per baptismum sublatus est reatus, sit verum & veri nominis peccatum, id est: an ita sit comparatum, vt tametsi rationi non dominetur, & tametsi in se conquiescat, tamen imputari ad culpam possit. Lutherus singularis ferus, aper depascens veterem professionem Ecclesiæ, primus omnium pro fatuitate sua, vt bona sanctorum hominum opera tolleret, scribere per-

sum-

summam impudentiam, non dubitauit, esse verè peccatum & posse imputari: Sed contra Lutherum tota Ecclesia catholica constanti confessione semper ut debuit, negauit, eiusmodi peccatum concupiscentiam esse in baptizato.

Tu Pappe, ut Augustinum nobis eriperes, & ad delirationem vestram aggregares, non negasti: nec enim si ne summo dedecore potuisti: esse in Augustino apertè sententiam nostram & sententiam omnium, qui ratione reguntur. Sed ex diuersis locis corrigere sanctum virum, & ostendere voluisti, quomodo secum & cum Luthero sanctus Augustinus cōgrueret. Quod consilium, Pappe, si in reliquis partibus iniuiisses, si Augustinum ex Augustino explicauisses: credo te ex isto labore expediuiisses multò melius: tamen quia ut in hoc loco facis, fortè fecisses in alijs: fuit multò præstabilius ut abstineres.

Tametsi verò in clarissima luce locorum, & in perspicuitate cause opus non erat defendi vel explicari sanctum virum: tamen videamus quid dicas Pappe? Agnoscis sanctum virum publicè profiteri, quòd peccatum propriè non sit concupiscentia: sed impropriè: nimirum quia per peccatum infusa in genus humanū fuit, & peccatum si mens consentit, efficit, & aliquid in se pugnans cum dominatu mentis habet. Negat igitur, Pappe, sanctus Augustinus propriè cōcupiscentiam peccatum esse, quod ipse recitas: & profectò negare debet, si vir prudēs est. Deinde ponit sanctus Augustinus apertè in locis tuis essentiam peccati in reatu: nec peccatum esse sinit, vnde reatus abest: vel quòd animi intus cōsensio non accesserit.

Quomodo igitur in baptizato, Pappe, concupiscentia repressa ab homine Christiano erit sancto Augustino peccatum? Quid cogitas Pappe? cùm ais non simpliciter à sancto Augustino, sed quodam tantum modo negari, quòd peccatum sit concupiscētia? Iniuriam facis sancto Patri, in eum sensum quem tu proponis. Apertè negat,

gat, nunquam concedit sanctus Vir, simpliciter peccatum esse concupiscentiam; nec concedit nisi per vocis abusionem; nec potest per peccati definitionem, quam ipse constituit. Ut lingua locutio est quam efficit lingua, & ut manus scriptura est, quam pingit manus: sic concupiscentia Augustino peccatum est, non quod peccatum in se & simpliciter sit, sed quia cum mentem vincit, peccatum facit: quae omnia a te ponuntur.

Ergo inquires tamen aliquo modo erit peccatum concupiscentia, & ipse sanctus Augustinus peccatum nominat? Quis vero Pappe negat? peccatum certe nominat, & nominari posse concedit, sed tantum figurate & impropriè & sine imputatione: cuius testimonia tua convincent. At Pappe quid inde concludis? Ergo Augustinus cum Luthero consentit? Ergo, Pappe, baculus stat in angulo?

Concupiscentiam Augustinus impropriè dici peccatum existimat. Ergo habet pro peccato quod imputari ad culpam possit? O incredibilem consequentiae absurditatem. O Dialecticum Pappum. Sanctus Augustinus peccatum esse dicit, quod secundum carnis concupiscentiam vel ignorantiam illicite fit: dicitur: cogitatur, & post se relinquit reatum: ut ipse confirmas & loca adscribis. Itaque negat concupiscentiam esse in baptizato peccatum: in quam nihil istorum conuenit quamdiu vel quiescit, vel assurgens statim in primo ortu consopitur & obruitur.

Sed repetis: permettere te quod isto modo peccatum non sit sancto viro concupiscētia: tamen esse modo alio. Est certe Pappe, sed impropriè, cum vel effectui vel causē nomen rei imponitur: sicut cum lingua locutio, cum manus scriptura esse dicitur. Non igitur est propriè, non est verē peccatum, de quo inter nos disputatur. Est ~~opus~~ peccatum, sicut mortuus homo est homo Pappe, quod inter nos non est controversum. Expressē enim in loco quem

quem tu bis iisdem verbis, locis diuersis ad in flandum librum apposuisti, contestatur sanctus vir, nihil esse peccatum quod & reatum non inferat, & quod eum qui peccatum habet, non faciat peccati reum. Aperi oculos Pappe: & vide quomodo te ipsum refutes.

Peccatum sanctus Augustinus esse nō sinit, nisi quod in eum qui peccatū habet, importat reatum. Dicit enim non habere peccatum, esse idem, quod nō reum esse peccati. Atqui concupiscētia in baptizato reatum reliquum nullum habet, nec reum facit peccati, in quo est. Itaque peccatum non est: tamen peccatum impropriè dici per abusionem posset: translato rei nomine ad causam vel effectum, vel aliam propinquam significationem.

Quid verò Pappe? An ex Lutheri fatuitate sanctum virum cestimas? An quia asinus Lutherus fuit, putas etiam fuisse sanctum Augustinum? Considera Pappe. An fieri potest, ut cuius totus reatus sublatus est, id adhuc imputari possit ad culpam? id est, ut id quod reatum nō habet, habeat reatum? An imputari ad culpam, & haberere reatum, non idem est Pappe? An vicissim posse imputari ad culpam, & non haberere reatum, non sunt contradictoria? An quod vacuum & liberum factum est à reatu, idem imputari ad culpam potest? Sed Pappe, an non folio II. ipse confirmas concupiscentiam sancto Augustino non esse peccatum, si peccatum accipiatur pro reatu? An non omnem reatum omnium malorum auferri in baptismo scribit Augustinus, & à te ponitur Pappe? Quomodo ergo, si reatus in concupiscentia nullus est, si reum peccati non facit, si non rasum sed deletum est in concupiscentia peccatum, quomodo inquam peccatum est concupiscentia? & quomodo tale peccatum, quod imputari possit ad culpam? id est, quod cùm sine reatu sit, tamen habeat reatum, & ad culpam imputari queat? Id verò quid est Pappe, quām Pappum non esse Pappum?

Quid magis perspicuè tradi posset, quām quod sanctus

D. Etus

II

ctus Augustinus de concupiscentia subiugata ab homine Christiano in libris reliquit? & in locis illis, quę tu adducis? An non enim apertissimè ipse dirimit litem: cùm toties dicit esse malum, sed non peccatum, (lib. 6. contra Julian. cap. 5.) non esse dicendum peccatum nisi assensione mentis peccatum pariat, (lib. 2. contra Julianum) concupiscentiam esse tanquam matrem parientem, sed partum & fœtum illius cùm mentem deuicit concupiscentia, esse peccatum? (lib. 6. contra Julianum cap. 5.) & concupiscentiam quiescentem vel repressam vocari quidem peccatum: non quia peccatum sit, sed quia peccato facta sit: & non esse peccatum, sed vocari tantum peccatum (lib. 1. contra duas epistolas Pelagian. cap. 13.) Item vocari abusuē peccatum, tanquam poenam & causam peccati? lib. 5. cont. Julian. cap. 3. in apertissimo tuo testimonio.

Ecquid adhuc igitur dubitas Pappe, quomodo reuebra & simpliciter peccatum sancto Augustino concupiscentia non sit: & rursus quomodo tamen peccati vocabulum figuratè & impropriè concupiscentiæ accommodari sinat & scipsum explicet. Dicam plura Pappe? dicere rem nisi miseriæ me tuæ & insaniæ puderet: & nisi sententia tua, nobis tacentibus, à teipso, ponendis sancti viri testimonijs refutata & euersa radicibus omnibus esset, & nisi communis omnibus hominibas ingeneratus sensus falsitatem vestram prima statim consideratione conuinceret. In eo igitur quām infeliciter, & quām ineptè sanctum virum ad partes tuas & ad sententiam Confessionis intorquere cogites, & quomodo cùm Lutheranum facerelles, feceris Papistam, vide ipse Pappe: & ab insania vestra discede.

II. Pergamus. Tantum fide apprehendi remissionē peccatorum & pacem conscientiæ, est in articulo 20. Confessionis, in vndecima thesi. Eam sententiam dicis in thesi quarta, sexta & septima vicefimi articuli ab Augustino confirmari. At si bonus vir es, Pappe, differe ubi? quo folio?

Ilo? qualinea? An fortassis in istius eiusdem articuli thesi secunda? At Pappe, si illa probatio pappus non est, quid erit pappus? An semel est in sancto viro, sola fide apprehendi remissionem peccatorum? Quid circumspetas Pappe?

Thesis quarta sexti articuli unum testimonium habet. In eo an thesis tua est? quibus verbis? Dic Pappe? Sic in thesi septima vicesimi articuli, ubi queso est, sola Lutetiana fide sine spe & charitate apprehendi remissionem peccatorum? cum magis sit in testimonio secundo, debere nos firmitati promissionis Dei non fidem tantum, sed & spem & dilectionem permettere? cum idem Augustinus in testimonio tertio thesis non & articuli vicesimi de qua fide loquatur, palam enuntiet, & eum in Christum credere, qui & sperat in Christum, & diligit Christum: illum vero non credere in Christum confirmet, quis sine spe & dilectione Christum esse credit.

Sic cum fidem suam iustificantem omnibus locis definiat vir sanctus, cum expressè in testimonio tuo secundo in articuli noni thesi 16. exclamet, Fidem sine operibus saluare neminem: Quid in mente tibi Pappe venit, ut inepta testimonia, quibus magis sententiam nostram fulcires, & pro te nihil aliud quam sempiternam ignoriam referres, apponere ante mundi totius oculos, vir audacissimus audebas? Sed ista Dn. Doctor Hænlinus verrim tractabit: Ego progrediar.

Purgatorium ubi inquam sanctus vir prorsus pernegauit Pappe? In quanto testimonio? Adscripsisti enim octo. An illa Pappe aduersantur purgatorio? An quia post extremum iudicium, duo tantum sunt loca, nec tum locus nullus est inter eternam poenam & eternam beatitudinem intermedius, interim purgatorium non erit? an quia mores ibi non corrigitur? an quia hic non redemptus, illic non admittitur? An Pappe propterea non est purgatorium? Fac syllogismum Pappe: & ostende

D 2 nega-

negari Purgatorium à sancto viro, si vir honestus es.
 Perlege, Pappe, librum quēm ipse tanquam testem
 sententiæ tuæ citas: sed percurre Pappe totum: ne tan-
 quam simia inhære in particula vnius capit is, & in huius
 externo sono. Sic enim inuenies, quomodo contraria
 non sint, esse Purgatorium, & tamen quod hīc non redi-
 mitur, illic etiam non redimi. Legē caput istius eiusdem
 Enchiridij ad Laurētū Pappe, centesimum & nonum:
 nec dic Pappe dissidere à seipso, sanctum virum: confe-
 re magiste vel sic oppressum ignauia, vel tam obtusum,
 vel tam malitiosum veteratorem esse, vt cūm ipse san-
 ctus Pater lumen ad melius aspiciendam eius de religio-
 ne Christiana sententiam præferret, & scripulos qui ob-
 jectari animis vestris possent, prudentia sua statim de via
 tolleret, tamen ne quidem legere vel consideratè per-
 pendere cogites. Similia quare in alijs sancti Augustini
 libris & sermonibus: in libro de osto Dulcitij quæstioni-
 bus, quæst. 2: in libro de cura pro mortuis cap. 18. In sermo.
 32. de verbis Apostoli: in libro de Ciuitate Dei cap. 24. in
 illis ipsis libris, quos tu apponis. Detrahegitur pappum
 Pappe de oculis: vt aperto lumine contuearis sanctum
 virum: nec putes cōtraria esse quæ tu cæcutiens pro con-
 trarijs habes.

Rufus vbi dubitat sanctus vir de Purgatorio? Lege
 Pappe tria testimonia, quibus vti ad te confutandum vo-
 luisti: & responde quod iam s̄epe vobis Lutheranis in
 aures inclamatum fuit: An de modo Purgatorij, an de
 ipso Purgatorio dubitet sanctus Pater? Nam quomodo
 vir constans & tantus pater dubitaret? & quid tu Pappe,
 cūm ista ascriberes, censuisti? An tantus hostis pudoris es
 tui, vt quid poneres non attēderes? Confirmauit (inquis)
 sanctus Augustinus in Enchiridio ad Laurentium, & in
 libro de osto quæstionibus Dulcitij, & in libro 21. de Ci-
 uitate Dei. At dubitauit idem. Sed dic Pappe vbi? Re-
 spondes, in illis ijsdem libris. Ergo Pappe in ijsdem libris
 sanctus

sanc*tus vir & posuit, & dubitatione rursus infirmauit Purgatorium? & in illis libris, quos omnes in retractatione percepsuit, sed nec contradictionem animaduertit, nec vel affirmationem vel dubitationem correxit? Quid dicemus de te Pappe? Adhuc dubitauit vir sanctus, cùm tanquam articulum fidei argumētis confirmauit Purgatorium? Et an simul in eodem libro & affirmauit & simul dubitauit? an istam iniuriam audet Pappus exspatire in virum sanctum? O Parallelæ: & ô parallelorū turpitudo. An easdem res Augustinus in uno libro in uno capite & certas & dubias fecit? De te & Luthero id suspicere Pappe, noli de sancto viro, qui arundo non fuit: laudem inconstantiae & perpetuae mutabilitatis, reliquit Luthero, homini per omnium hominū memoriam vanissimo: & reliquit tibi. Ipse vir grauissimus Purgatorium fatetur: nunquam in dubiū vocat: nunquam tollit.*

Iterum Missam non esse institutam, vt in ea fieret oblatio pro quotidianis delictis mortalibus & venialibus, proponis in articulo 3. deabusibus thesi tertia. At Pappe vbi ex sancto viro cōfirmas? Viceris totam sponsonem, si locum unum ostenderis. Disputas quidem Pappe, extra rem, de sacrificio, & quid sub eo complectatur Pater sanctus, pro libidine tua explicas: vbi verò Missam sacrificium esse neget sanctus Augustinus, nullo indicio, nullo verbo, nulla litera testaris: fateris magis clām in testimoniorum inuolucro, quæ adiunxisti ex epistola 23. ad Bonifacium: ex libro 9. Confessionū cap. 13. ex libro 20. cōtra Faustum cap. 18. & 21: sed id Dominus Doctor Hælinus vrgebit. Ego primū quæram Pappe, an quæstio negatiua possit affirmatiuè, & non debeat negatiuè probari? Quæram secundò, vbi ex sancto viro probaueris, Missam pro Oblatione non esse institutam ad cōsequendam remissionem peccatorum? Id enim probandum receperas. Contende igitur adhuc neruos omnes Pappe, euigila curis omnibus ut respōdeas. Sed non potes Pap-

III.

D 3

pc.

pc. Nihil probasti, nisi te magno hiatu factum promisso-
rem nihil soluere. Tamen dic ubi & quomodo ex sancto
Augustino ostenderis, quod in thesi significas? An for-
tassis quia omnia sacrificia ex sancto Augustino percen-
suisti: & quia Missæ sanctus Pater inter sacrificia nullum
locum reliquit, ideo occulta ratiocinatione nō conclu-
dere sed innuere voluisti, Missam, non esse oblationem?
eoque ad sacrificandum non institutam esse? At mi Pappe,
bone Pappe, ubi sanctus Pater Missam à sacrificiorum
complexu remouit? Falsum illud est, testantibus infinitis
locis, & non negatibus tuis. An enim non ipse septem
sancti Patris indicijs Cœnam esse sacrificium, & offerri
in ea corpus & sanguinem Christi & immolari ostendisti,
Pappe? An non in sexto testimonio doces, duo fieri in
Cœna, oblationem & participationem? & illa esse inter-
se discriminata? Quomodo igitur declaras Missam apud
sanctum Augustinum non esse oblationem? An fortas-
sis oblationem tu pro spirituali & Eucharistico sacrificio
intelligis? At non quid tu intelligas, sed quid sanctus Pa-
ter significet, disquirimus Pappe: Quo igitur testimonio
probas sanctum Patrem non habuisse Missam pro sacri-
ficio, vel cum Missam sacrificium vocat, loqui de sacri-
ficio Eucharistico? ubi Pappe? clama ut audiamus. Quid
igitur probasti Pappe? nisi te probasse nihil? & ne qui-
dem probare voluisse? tātūm cō respexisse, vt verbis san-
cti viri pagina tuas ineptè compleres.

V.

Illud verò Pappe quam est ridiculum, quod ad istius
tertij abusus articulum quintum & sextum, qui in confes-
sione de vestris factis loquuntur, dicere sanctum virum,
testimonium iubes. Vnde enim Pater sanctus scire po-
tuit, priuatas Missas sub initium Lutherani furoris tan-
tum quæstus causa factas: & cum de eo admonerentur
sacerdotes, intermissas esse? Dic Pappe? Cur rem poste-
rioris ætatis, quæ in facto consistit, tametsi vera esset, (est
autem falsissima) ex primorum Patrum libris, qui multis
secu-

seculis antecesserunt, confirmare & perspicuam facere
constituisti? Deinde dic Pappe, quid illa octo testimoni-
a, quæ pappo tuo agglutinasti, de thesi tua probant?
Estne in illis aliquid de priuatis Missis, & an est omnino
de Missis? an in genere est de quæstu, qui quæritur ex Mis-
sis, & officijs omnibus Ecclesiasticis? Et rursus an vult san-
ctus Augustinus rem sacram, cùm ad lucrum confertur,
antiquandam & rei ciendam esse? Quid illorum est in
testimonijs, & quid in secundo, in quinto, & sexto locis à
thesi alienissimijs?

Risum teneatis amici. Sanctus vir tribus testimonijs
deberi sacerdotibus à populo mercede docet: reliquos
obiurgat clericos, qui curam suam ad opulentiam in re-
bus sacris conuertūt. Id Pappus noster ad tollendas pri-
uatas Missas accommodat, & tanquam si eò sanctus vir
retulisset, & quasi ad rem attineret, sic adscribit magno
cumulo: & concludere vult ex angulo baculum, & an-
gulum ex baculo.

Sed tædet me, Pappe, calamitatis tuæ: nec plura ex-
aminabo: nec opus est: cùm Dominus Doctor Hænlinus,
quàm absurdè non applicaueris, sed appinxeris sancti Pa-
tris testimonia, magno libro patefecerit: & res ipsa, &
conscientia ipsa te tua intus redarguat: & pueri videant,
extra causam esse omnia, quæ adscripsisti.

Frustra igitur Pappe isto pappo illita parallela tua in
publico apparere voluisti: frustra ad talem occupatio-
nem laborem impendisti: non enim laborasti quid de
promisso tuo præstares: sed quomodo farctū multis ver-
bis proponeres magnum librum: tamen ut nihil aptum,
nihil ad rem diceres: & ne quidem res controversas re-
ctè probares: ad reliqua tanquam alphabetarius puer,
quicquid in calatum influeret, ascriberes: nec animo
vnquam circumspiceres, aptè an ineptè, cōmodè an ab-
surdè faceres. Quod ipse non negabis Pappe, si sub no-
uam considerationem subiicies omnia, & si animū spon-
sionis

sionis desperatione perculsum reuocabis ad quietem.

Nec negasti Pappe, cùm librum publicares: & credo quòd vir alioquin apertus, cō PARALLEL A inscripseris, vt in quinto verbo tituli, Græcis exarato literis, quid intus ipse de te libroque sentires, nobis foris obnuntiares: vt certè significantius nominare librum non potuisses Pappe: nec si per Lexicon cētum annis animum circumtulisses oculosque tuos.

Parallelæ Geometræ vocant, quæ æquabiliter à se abiuncta, tametsi per spatum infinitum procurrant, tamen eodem semper distant modo: & in vnum confluūt nunquam. Itaque Pappe, quia testimonijs tuis & nuper Augustæ natæ cōfessioni idem accidere præuidebas: vt iuxta se posita, æquè semper distarent, nec vñquam ne quidem per cælum & terram longissimè protracta ad rem vnam testandam concurrerent: idcirco parallelæ nuncupasti honestissimè, vt simul & conscientiæ haberet rationem, & doctis viris sensum ipse tuum patefaceres.

Eo animo si abste, Pappe, factum non est: mirabimur casu tam concinnam & tam aptam vocem adeò appositè influxisse in titulum, & in primam omnium oculis subiectam paginam: & tum arbitrabimur voluisse Deum, vt inuitus in vestibulo libri quasi digitis præmonstrares, & quid in istius editione libri tui spectasses, & quid sperandum nobis esset. Vèrūm, vtrum erit, Parallelæ certè sunt testimonia sancti viri, & ineptiæ confessionis tuæ: & sic parallelorum naturam imitantur, vt infinitè quomodo cunque propagata & aspersa coloribus omnibus, tamen coeant & conspirent nunquam: abiuncta semper & diuersa sint & æquabiliter remota.

Quod nos hīc aliquot locis perspicuè declarauimus: & in Domini Doctoris Hænlini labore reieciimus reliqua: vt confidamus, futurum omnino neminem, & ne quidem ipsum parallelographum paralogum Pappum, qui non iam perspiciat, parallelæ esse quæ scripsit, & eum

tum

tum frustra laborasse communiendis articulis minimè dubijs, tum in illis & cæteris nihil appositi fecisse, nihil aptè, nihil commodè: disiecta omnia & inepta, & extra causam esse: & esse uno verbo parallela.

Quamobrem, ut diximus, tametsi de Augustana sola confessione & solo Augustino sponsonem fecisset Pappus: nōn tamen non liberaffet fidem: Parallelographus esset: nec ullum vñquam Pappus pappum inueniret, quo sponsonem sic oblineret, vt præstitisse quod promisi: videri posset: quod secundo loco in Pappi parallelis obiurgauimus, & meritò reprehensum esse, liquidò sumus planissimeque contestati.

Eodem deinde modo verum esse docebimus, quod CAP. III.
objecatum tertio loco fuit, desperationem suam sine dis-
simulatione in præfatione libri confiteri Pappum, quod
id, nimirum quod de sancto viro in se receperat, prestatre
nec possit, nec cogitet. Id igitur sub omnium intelligen-
tiam nullo negotio subiiciemus, & postea quid inde con-
sequatur, & quomodo secum Pappus pugnet, & iniuriam
faciat sancto viro: tum etiam quomodo promissum nul-
lo prorsus modo soluerit, & quia Papista factus nondum
est, iusurandum reliquerit, explicabimus ordine.

Primum verò ut demostremus, nihil exaggerabimus,
Pappe: erimus tantum occupati in verbis apponendis
tuis. Scribis in præfatione, tibi non esse ignotum, quod suas
opiniones ex eodem Augustino soleant Pontificij defendere, ipsumq;
Torrensem ante annos illud viginti tres satis crassè collecto volumine
fuisse conatum: & omnino futurum ut ex D. Augustino contraria
interdum testimonia proferantur: eoque, iudice Scriptura opus esse, ut
sciamus quibus Augustini testimonijs credere, quibus salua ipsius au-
thoritate fidem abrogare debeamus: nec negare te, Pappe, quod tra-
lia quadam in Augustino reperiantur que Pontificij pro se allegent:
nec profuturum Catholicis si alia & contraria proferant eiusdem san-
cti viri testimonia. Id igitur consideremus Pappe, & quid
Emetingæ contrà receperis, animis reputemus. Promisi-

E sti Eme-

Si Emetingæ Pappe, perspicuum te relictum, in omnibus fuisse Lutheranum sanctum Augustinum: idque nisi facto præstares, voluisti, discedens à secta tua, nomen dare Ecclesiæ Catholicæ nostræ. Quæstio igitur tota in eo versatur, an probaueris in omnibus Lutheranū esse sanctum virum: & ne te enim iū premamus: non an in omnibus dissimilimis Lutheri varietatibus, sed an in Augustana confessione probaueris, & omnino an probare volueris. Nec iam parallela tua, funesta parallela, considerabimus: cum præfatione tua conferemus sponsonem: & concludemus pappos esse, quos efflās de temeritate tua, obiecisti mundo, iudicator pessimus. Id igitur Pappe, cùm iureiurando deuinxiſſes: cùm probaturum iurasseſſ, in omnibus Lutheranum esse sanctum Patrem: quomodo iam tot verbis in præfatione toties repetis? esse consentanea multa in sancto viro sectæ Lutheranæ, multa Religioni catholicæ: & eundem sanctum Patrem esse & Lutheranum & Catholicum? Quomodo igitur, Pappe, seruasti promissum? & quomodo in omnibus Lutheranum fuisse sanctum Augustinum commonstraſti Pappet? Aut quia id ad probandum suscipere nec potuisti, nec voluisti, quare, vt ipſe te per iufiurandum obligaueras, nondum factus es, Pappe, Papista?

An enim is, Pappe, Lutheranus est, qui interdū cum Luthero, interdum contra eum sentit? qui de re eadem, & consentaneè cum Luthero, & contrariè scribit? qui simul & Orthodoxus & Catholicus est? Dic Pappe, an qui talis est, in omnibus est Lutheranus? Meo iudicio certè Lutheranus est, qui omnium opinionum tempestatibus iactatus, idem nunquam sentit. Sic enim Lutherus quotidie fecit, falsitatum omnium assertor: & ipsa mutabilitate mutabilior pestis & turbo religionis.

Sed dic Pappe, an is etiam tibi Lutheranus est, qui in duas dissimiles de articulis fidei sentētias vacillat, & tum confirmat, tum cuerit Lutheranismum? An vt talem ostend-

ostenderes, Princeps sanctissimus, & Doctor Henlinus, &
Magister Zehenderus requirebant? Et an id à te exspecta-
ri credebas, Pappe?

Aut igitur simpliciter is Lutheranus est, qui in religi-
one in omnibus fluctuat: & vicisti Pappe, non in adiun-
gendo tibi sancto Augustino, sed in definienda secta col-
luiueque tua: Aut certè, tu non modò promissi fidem
non seruasti, sed ne quidem ut faceres, animum vñquam
attendisti tuum. Promittis enim iam nouum promissum
contra promissum vetus, & contra iusurandum vetus
Pappe: hoc te demonstraturum quod nemo voluit: &
ne quidē tu ipse promisisti Emetingæ, fluctuare sanctum
Augustinū in religione, & tum Lutheranum, tum Ponti-
ficium esse: imò verò interdū neutrū esse, cùm dubitat.

Sed contrà Pappe, receperas Emetingæ, in fidem, in
animum, in conscientiam tuam, facturū te ut videremus
quemadmodum Augustinus in omnibus & per omnia
fuisse Lutheranus. Id dum isto tempore probaturum te
clamitasti, iam ipse in ingressu probationis, non hoc te
moliri profiteris, quod te tum facturum iuraueras, sed
quasi tum nihil iurasses, ita nunc de nouo, illud tantum
significare vis, quomodo sanctus vir, quem in alijs locis
Catholicum & Papistam esse non negas, secum dissideat,
& de re eadem, de articulo eodem fidei, simul Luthero
& simul Catholicis assentiatur Papista simul, & simul Lu-
theranus Augustinus.

Existimate, ciues, audaciam hominis. Aut vacillauit
in fide Christi sanctus Augustinus, & hoc Pappus præui-
debat: Aut semper magna stabilitate docuit idē. Si vacil-
lauit, cur Pappus, qui sciebat, clamabat se ex mille quin-
gentis annis ex longissimo illo temporis interuallo, vi-
rum vnum propositurum ante cōspectum nostrum, qui
in omnibus cum Luthero consentiret? An tanto nego-
tio cōquirendus erat ex infinitis annis, & ex tam immen-
so temporis curriculo vir vñus, nō qui Lutheranus esset:

sed qui cùm esse videretur, tamen non esset? Et cur Pappus non antedixit, non futurum Lutheranum, quem nominaturus esset: futurum magis inconstantem opinatorem? nisi fortassis is Pappo Lutheranus est, qui quotidie mutat religionem, vt fecit Lutherus.

Si verò constas in religione vir sanctus fuit, cur mentitur Pappus? cur contrarium? cur prosemnatorem diuersarum opinionum singit, fabulator turpissimus? Et si constans fuit sanctus Augustinus, cur istam constantiam sancti viri in profitenda religione Pappus non ostendit, vt debuit? cur intermisit Pappus? cur fidem Pappicam violauit? cur conscientiam Pappicam, quam imprudentia sua vulnerauit, non sanauit iterum? Papista factus ex Pappista, Pappus?

Rursus Pappe, illa: quæ mutuari pótificios ad tutandam religionem catholicā ex sancto viro præcognoscebas: aut verè cum testimonij tuis pugnabant, & elidebāt sectam tuam: aut non pugnabant: pugnare tantum videbantur. Sed, Pappe, si reuera dissidere sanctum virum à seipso, & tum quibusdam locis Lutheranum, tum alijs Papistam esse præsentiebas, quare in omnibus probare volebas, Lutheranum esse sanctum Patrem? quare iurabas? cur non magis, fauere & religioni nostræ & infinitè dilectæ sectæ tuæ sanctum virum, & non in omnibus esse Lutheranum tum præmonebas?

Si verò in omnibus Lutheranæ sectæ constantem approbatorem sciebas esse sanctum virum, quare Pappe, Scripturam ad illius libros iudicem postulas? quare testimonia quædam credere in sancto viro, quædam reiucere vis & non credere Pappe? quare scribis non profuturum nobis, tametsi probemus contrarium? Quare non astrictus esse vis Pappe, vt contraria nostra testimonia confutes, & sanctum virum ex seipso explanes? Quare id solum incumbere tibi putas, ne vsus mala fide sis in apponendis verbis sancti Patris? Dic Pappe, an tantum verba te sine vitio

vicio adscriptorum esse ex sancto Augustino, an contrà iurasti probatur quòd in omnibus fuerit Lutheranus? Quid cogitas Pappe?

Deinde, si nostra testimonia, contraria tuis eiusdem sancti viri testimentijs non sunt, quare Pappe iniuriam, qua sanctum Patrem affecimus, non vindicas? cur non reprehendis? cur bonum Patrem, affectionatum sectam verstræ tecum non concilias? cur istum sectam tuæ honorè non habes, ut ex tota antiquitate unus sit, qui constanter vobiscum senserit? & qui interdum discedere à vobis videatur, tamen reuera discedat nunquam? Id igitur Pappe, cur non ostendisti? cur falsitatem nostram non redarguisti? cur opprimi sinis Patrem sanctissimum? cuius auctoritate crescere secta plurimum posset? Et cur Pappe non fecisti, ut existimationem tuam bonique viri nomen retineres? ne falsum iurasse, ne iusurandum neglexisse dici posses, Pappe?

Magnam in te esse, Pappe, inconsiderantiam & fidei contemptionem oportet: si de nobis iniuriam ostenderem in accommodandis sancti viri libris, & si sicutum quem lectori obijcimus, detrahere de sancto Patre, & reuera totum omnibus locis Lutheranum fuisse, significare potuisti, quòd non palam fecisti Pappe: & quòd periclitari fidem, & cum fide proiectus maluisti iacere in sordibus periurijs? Non enim iurasti Pappe, bona fide te verba quedam sancti Patris citaturum: iurasti te demonstratum quòd in mille quingentis annis vir unus, sanctus Augustinus Pater in omnibus Lutheranus fuerit: non quòd fuerit, non fuerit, rursus fuerit: id enim Lutheranum fortassis est: tamen non fuit ab aduersarijs queritum, nec à te iuratum. Itaque si eripere nobis Augustinum, si totum ad te transferre potuisti & ad Lutheranam sectam tuam: debuisti certè Pappe ut vir honestus esses: & ut in retinenda fide constantiam ostenderes tuam.

Illud quia intermissum à te fuit Pappe: senties intus

ibui

E 3

in

in conscientia tua, recte à nostris contra vos producimus testimonia sancti Patris, & id reuera credidisse sanctum vi-
rum quod nos cum credere de libris probamus. Fateris
igitur publicè simul & Lutheranum fuisse & Papistam,
sanctum Augustinum: nec distinguis primùm Lutheran-
us, postea Papista, an vicissim fuerit. Itaque simul fateris
publicè, non te hoc seruaturum ad quod te iureiurando
obstrinxeras, in omnibus Lutheranū fuisse sanctum Pa-
trem: sed probaturum quod interdū Lutheranus fuerit:
cùm non inficeris fuisse locis alijs Papistam. Falsum igitur
Emetingæ iurasti Pappe: & id iam publicè in totius
mundi cōspectu ipse testaris: & quia fidem promissi non
seruas, nec etiam cum nostra te catholica fide coniungis:
fateris rursus publicè Pappe, nullam te promissi tui par-
tem expleturum: sed contrà, quām iuraueras, nec proba-
turum de sancto viro quod apud Deum contestatus pro-
miseras, nec tamen nostram secuturum esse catholicam
religionem.

Nihil igitur adhuc, de eo confecisti Pappe, quod face-
re promiseras, & vt magis te obstringeres, Deum in ani-
mam tuam inuocaueras testem.

Lutheranum proferre vnum, qui totus Lutheranus
esset, debuisti ex longinqua antiquitate, ex lōgissimè pro-
fusa totius Ecclesiæ ætate, ex eo tempore quo ab Aposto-
lis Ecclesia propagata & vsque ad patrum nostrorum me-
moriā ducta fuit. Non potuisti Pappe. Nominasti vnum,
non Lutheranum, sed magis Papistam: vel profectò incertum & titubantem Lutheranum: de quo Lutheranus
an Papista magis esset, ne quidem exquisito acerrimoq[ue]
iudicio perspici cognoscique posset. A veteri igitur pro-
misso discessisti Pappe: fidem non seruasti, sed corrupisti
& peruersti: idque te facere per impudentissimam au-
daciam, nihil dissimulans in publico mundi aspectu scri-
bis, & de iureiurando libenter te facere discessionem glo-
riosè contestaris. At Pappe an hoc est honestè agere?

Iudi-

Iudicent omnes Lutherani: ipse tu Pappe, in conscientiam intuens prudentiamque tuam, iudica, considera quid feceris: da Deo gloriam: temeritatē deplora tuam, & nomen tuum da Christo: da fidei catholicæ nostræ: nec permitte, ut nos, cuiusmodi vir sis, & quid feceris, in totum mundum inclamemus.

Ista te Pappe si non mouent: considera deinde quid ex ista inconsulta ratione, quam in edendis parallelis in consilium adhibuisti, consequatur: cogita si verum esset quod de sancto Patre scribis, quām id causam sectamque vestrā non iuuaret, perderet magis & euerteret funditus.

Primū eo ipso probas, prorsus nouam esse Lutheri fatuitatem, nec antecessisse in decursu omnium seculorum, quamdiu Ecclesia Christi post Apostolos fuit, hominem vnum qui constanter & perfectè Lutheranus esset. Iussus enim edere nomen vnum, vnius vel Ecclesiæ, vel personæ Lutheranæ, quæ ante Lutherum vsque ad Apostolorum ætatem retro vixisset, nominasti timidè & Ecclesiam & personam Augustini: tamen de sola persona probare voluisti. Et dum annum integrum in perspiciendo sancto viro posuisses, tandem clamosè fateris, & fateris in mudi & omnium hominum oculis, ne illum quidem constanter esse Lutheranum. Nullus igitur, Pappe, ab annis mille quingentis constans fuit, & Lutheri similis Lutheranus, qui omnes Lutheri inconstantias esset constanter exemplo complexus doctrinaque sua. Noua igitur & prorsus noua, & perfidiosè noua Lutheri doctrina est, Pappe.

Atque id vnicum Parallelis, infortunatis parallelis, Pappe, tuis debemus: quod deinde tanquam à te concessum, conijciemus in sectam tuam, & in sectæ tuæ seruos, & de sententia tua inclamabimus, post Apostolos nulum esse Scriptorem sanctum, qui in omnibus & semper cum Luthero consentiat: oppressam Ecclesiam quindicim seculorum tenebris, in decimo sexto primū seculo sus-

Io sustulisse oculos & aspexisse in ceruisia Saxonica, vt Lutherus de se gloriatur, veritatem Christi: tumque primum Spiritum, cum iucundissimum quindecim seculorum somnum edormiuisset, de vetero suscitatum, cum exterritus, quo loco esset, nesciret, influxisse in libidinosum, & monasticæ disciplinæ hostem & virtutum omnium inimicum & lasciuiarum affectatorem Lutherum.

¹¹² Hæc igitur Pappetua sunt & erunt deinde $\chi\gamma\pi\tau\alpha$ nostra: neque tu negabis: nec negabunt alij si non Papistæ, sed Papistæ esse volunt. Accipimus tanquam Lutheratum oraculum ex Pappico tripode enuntiatum.

¹¹³ Secundò scis Pappe, quid Emetingæ ante discessiōnem tuam promitteres: cum monerem per Deum, ne quid in librum referres, quod non constanter tradi à D. Augustino intus in conscientia sentires. Id quia per dexteram tuam tanquam novo iuramento firmasti Pappe, cur in parallelis, mōstrosis parallelis, illa perfidiosè proposuisti, quæ à sancto Patre non constanter per totum vi-
te decursum & in omnibus libris tradita, ut tu publicè scribere non erubescis, sed ab ipso rursum sancto viro da-
mnata & refutata sunt? & quorū contraria in sancto Pa-
tre testimonia reperiri minimè dubitas? An illa est con-
stans sancti viri sententia, quæ sic relicta in libris ipsius
fuit, ut Scripturā iudice, sicut tu loqueris, opus sit, quæ nos
doceat, quando credere, quando non credere debeamus
sancto viro? An fidem seruasti Pappe? An constantem
ex libris sancti viri eruisti sententiam? An ex omnibus li-
bris? An conferens librū cum libro? Hæc enim spopon-
deras: & utar ipse testimonio tuo: permittam etiam ut
pappum obducas, si potes.

¹¹⁴ Tertio, si vir sanctus est sanctus Augustinus, vt innue-
re ascriptione literæ D. ad nomen illius videris: sanctus
igitur is est, qui certam religionem & certam compre-
hensionem de religione Christiana non habet: qui simul
& sola fide, & non sola fide iustificari hominem: qui si-
mul &

mul & Purgatorium esse & non esse: qui simul Missam oblationem pro viuis & mortuis esse & non esse: qui simul inuocandos Sanctos & non inuocandos: qui simul operibus nos iustificari & non iustificari: qui simul Lutheranam sententiam Diaboli commentum esse & non esse credit.

Sanctus igitur is est qui ipse Missam idololatricam Papisticam omnibus partibus confirmat, & ipse sacrum Papisticum usque ad extremam etatem facit, & sanctos inuocat, & inuocandos in auxilium docet, & pro mortuis non tanquam optionem, sed ad subleuandas eorum animas, & ad imminuendum cruciatum orari & sacrificari iubet, & ipse orat & sacrificat.

Sanctus igitur is est qui simul & Idololatra est, & Lutheranus simul, & qui ut olim infusi in Samariam noui ex Assyria coloni assolebant, simul Deos sibi fabricat, & nihilominus colit verum Deum, & simul Deo & Diis seruit, & timeret quidem Dominum, sed tamen seruit Idolis, ut est 4. Reg. 17.

Sancti igitur Samaritani fuerunt in quorum ciuitates Apostoli a Christo ingredi primum non sinebantur: & quos ipse Christus ab ouibus domus Israël abiungit & alienigenas vocat, & quorum Iudæi consuetudinem & conuictum abominabantur.

Sanctitas illa Pappi fortassis est: Christi certè non est: qui in utrunque partem claudicantes a semitis suis, obiurgat, & alienos & adulterinos filios & mēdaces nominat, & a Spiritu sancto euomendos esse dicit: & Idololatras ab aditu cœlestis regni secludit.

An fortassis Pappe, Idololatria in sancto Augustino Idololatria non fuit? vel Idololatria sanctis viris non nocet? & cum veritate puroque Dei cultu consistit? An putas Pappe ab uno homine posse simul & Deum pure coli & haberi alienos Deos? Sed fortassis Pappe, illa Idololatrica inter moriēdum sancto viro defluxerunt? Die

F vero

verò quando Pappe fluxionem istam contigisse iudices? An cùm in lecto cum extremo morbo haberet negotiū, & quotidie psalmos Dauidicos pœnitētiales, an ersus ab hominum conspectu, legeret, & lectum lacrymis compleret? At Pappe situm factum est, si usque ad extremum spiritum se correxit, cur Possidonus, qui ægrotati & morienti assuit semper, nullo verbo meminit? cùm Possidonus testetur proximo ante obitum die recensuisse libros suos omnes virum sanctum, & integro auditu atque aspectu in oculis amicorum placidissimè mortuum: Tum verò cur neminem de errore commonuit? aut si fecit, cur Possidonus non notauit? cur nec à Possidonio nec à reliquis Episcopis, in quorū oculis & auribus vixit & mortuus est, in Ecclesia post obitum sancti viri fuit emendatum, quod corrigi vir sanctus moriens voluit?

An fortassis non citius in viam à Spiritu sancto reuocatus fuit, quām cùm sensum & loquendi usum non habens, efflaret animam? At Pappe quantum hoc & quām absurdum est figmentum? quām inanis Pappus? Et an non pudet te & socios tuos, tam deformis inanissimeque conficti mendacij? Quis enim vobis morientium hominum extremam sententiam quam nullo indicio patescerunt, inspiravit Pappe? dic quis spiritus? quis Dæmon? quæ mors? quod somnium? Et cur de morientibus sine testimonio creditis, quod non vultis de viuis? de loquentibus? in ista multitudine & perspicuitate librorū? Possum & hīc & in toto libro tuo meritò exclamare:

Mente cares, fires agitur tibi seria, Pappe:

Fronte cares, si nos ludere, Pappe, cupis.

Tamen repetes Pappe, non id tibi videri quod adscripsi: simul & Idololatram fuisse & Catholicum Augustinū: sed uno tempore pure de religione sensisse, alio corruptum ab Antichristi potentia interieccisse istius ætatis stipulas. Sed mentitur Pappe, quisquis dicit: nec ad te excusandum pertinet.

Primum

Primùm enim quando libros omnes scripserit, quando correxerit, scimus: & ipse vir sanctus de se patefecit, quando libros istos, quorum tu plerūque testimonia apponis, retulerit in publicum. In illis nunquam nec Purgatorium, nec fidem cum charitate & spe iustificantem, nec sacrificium Missæ, nec Sanctorum inuocationem, nec cœlibatum sacerdotum, nec rem inter nos controuersam vllam in aliud sensum, quām prius à se factum esset, explicauit: nec fecit, cūm pridie antequā è vita discederet, libros omnes de nouo recenseret: nec omnino significationem vllam istius instituti vsque ad extreum vitæ spiritū dedit. Nunquam igitur sanctus vir, ea de quibus nos controuersamur, aliter vel credidit, vel intellexit, quām in primis libris proposuit: nūquam vno tempore sensit, quod alio nō sensit. Nugæ sunt & deformitates Lutheranorum, natæ in vertigine Lutheri, & fatuitate discipulorum nutritæ. Edicant, si possunt, in quo libro, quæ inter nos posita in disquisitione sunt, mutauerit sanctus vir? An in primis? medijs? vltimis? An in morbo extremo? An in auribus amicorum? An in ipsa mortis occupacione, cūm anima laxata de corpore in via ad cælum esset? O Lutheranam fabulam.

Deinde tametsi quādo se vir sanctus correxisset, monstrari posset: tamen Pappe in rem tuam non conueniret. Tu enim non ex diuersis, sed ijsdē libris contraria de sancto viro nominas, quæ & pro Purgatorio & cōtra Purgatoriū scripserit: & in cæteris cōtrouersijs vteris illis ipsis libris, in quibus meministi inscripta nostra cōtra vos esse testimonia. Quia verò in vno & eodē libro sine dubio se non correxit, simul igitur in vnius libri scriptione, secundum te, & Idololatra fuit sanctus vir & Christianus: & quia nunquam sententiā retractauit, mortuus est in Idolatria: & in Idolatria in cælū profectus est, Pater ille quem Lutherus purissimum, & tu sanctū rectè nominas.

Nec enim arbitror te existimare, quòd errorem ipse

suum non animaducerterit, & quid idololatricum esset, non perspexerit. In pappum diffluet Pappe, quicquid dices. Non erat tam hebes sanctus vir, vt quid Idololatria esset non teneret. Istam asininam hebetudinem relinque Lutheru tuo, nec affinge viris sanctis, Pappe: nec si facies, consequeris quod speras. Idololatria enim siue studiosè siue imprudenter commissa, cultorem semper suum in ardens igne & sulfure stagnum & in mortem secundam projicit: nec saluari potest sanctus vir, nec sanctus vir fuit Augustinus, si idololatra fuit.

Tertiò si in diuersis libris diuersa scripsit sanctus Pater Augustinus: quia quando singulos libros mandaerit literis, ex ipso sancto Augustino constat, edifferat Pappe, adolescentis, an vir, an senex contra Ecclesiam nostram senserit. Sed quicquid Pappe responderis, conuincam & iuuenem & virum & senem in primis, medijs & extremis libris, credidisse sanctū virum omnia, quæ contra vos credimus. Nisi fortassis, Pappe, dicere audaciæ tuæ collibeat, primum quædam arrisisse sancto viro: deinde cum iudiciū corroborasset, rursus displicuisse: tandem iterum placuisse seni: vel ut Lutherus veterator fecit, sic fecisse sanctum virum, ut sententias hodie poneret: cras tolleret: iterum laudaret: rursus damnaret. De eo igitur te, Pappe, liberè sinemus eloqui quid iudices: nec solicitus eris de responso. Tamen iam aliquid prestitisses Pappe, si quo tempore sanctus Pater fidem nostram sustulisset, & an in ea sententia deinde usque ad discessum è vita persistisset, significasses, & an primum contra nos, deinde pro nobis stetisset Pater sanctus: Item an vestra contraria priora & præstabiliora sint nostris contrarijs: & quæ omnino sententia fuisset morientis sancti viri. Sed quid faceres, miser Pappe, qui non ex diuersis, sed ipsis libris sanctum Patrem tanquam inconstantem, & eorum quæ ipse scriberet, nec memorem, nec intelligentem virum, audes, degener filius patrem, vir vanus hominem

nem grauissimum, hæreticus principem Ecclesiæ, cuius laus constantiæ, per mille ducentos annos in Ecclesia, & in omnium bonorum animis floruit, computare male-dicentia tua & insimulare, quod rem vnam in vnius libri, & vnius penè capitis contextu, & tanquam in vna spiratione asseueranter confirmauerit, & rursus vel dubiam fecerit, vel irritam.

Sed pappi tui sunt, Pappe, inanes pappi, & impuden-tissima falsitas est Pappe, quam in sanctum Patrem infle-tis: contraria nunquam scripsit: nunquam se correxit: nihil vnuquam mutauit in illis de quibus nos dimicamus: nullam contrariam vocem emisit: dissimilimus est mu-tabilissimi Lutheri constantissimus Augustinus. Dic vnu Pappe, in quo secum pugnet vir sanctus: contendere ner-uos omnes tuos: ede specimen nobis industriæ tuæ: elo-quere: quid cunctaris Pappe? Scripsit multa sanctus Pa-ter: quæ in speciem externam illis, qui vel imbecillitate ingenij, vel corruptione iudicij, vel malitia totū textum legere, & librum cum libro conferre non possunt, discre-pare primo conspectu videntur: vt illud tuum fuit, con-cupiscentiam peccatum esse & non esse: Tamen cùm in-trospectisti sancti Patris libros, negasti ipse subesse con-trarietatem: affirmasti in sancto viro, & in eiustextu sol-uistatim dubitationem, & fieri, vt quæ dissidere existima-bantur, reuera non pugnent.

Sic in vniuersum nihil est in sancto viro, in Patre san-to, quod non cū omnibus Patris sancti libris consentiat. Cadam tota causa, si ostenderis de nostris controuersijs sic traditam sententiam vnam in sancto Patre, vt reuera cum alijs testimonij pugnet. Viceris Pappe, si uno exem-plo planum feceris; sed Pappe, non illa disiuncta vel con-traria sunt, quæ tu, & quæ cæteri plebeij & inconsiderati sancti Patris lectores ex medio orationis curriculo de-cerpta, & tanquam auulsa de complexu sermonis, non ra-tionis momētis, sed libidine vestra & externo verborum

sono perpenditis. Vestræ illæ sunt, non sancti viri pugnæ, profectæ ex hebetudine malitiaque vestra. Consentaneè de sacrificio Missæ, de Purgatorio, de non sola fide iustificante, de Sanctorum inuocatione, de vita monastica, de cælibatu, de virginitate, & de alijs nostris docuit vir sanctus omnia: contrariè nihil: & sic semper sententiæ fauit nostræ, vt aliquid vñquam ne quidem in mētem contrauenire sibi pateretur. Nec suam, sed totius Ecclesiæ sententiam de qua dubitare nō potuit, retulit in libros: nec vel discedere, vel dubitare de eo voluit, quod Ecclesia catholica consentienter tradidit, acceptum à maioribus & ad se ætatemque suam propagatum. Iniuriam igitur facis sanctissimo Patri, & tantam iniuriam, vt sola satis ad ostendendum esset, & ad iugulandam falsitatem tenebri-
cosi erroris vestri. Iniuriam Ecclesiæ facis, in qua sanctus Pater, se, pastus ciuius lacte, quam diu vixit, sustinuit. Sed hæret in te & in mōstroso patre tuo Luthero inconstan-
tiæ macula: non conuenit in virum sanctum. Sanctus, constans & consentiens secum Papista fuit Augustinus: Lutheranus nunquam fuit: nec priorem nec posterio-
rem sententiam contra nos mutauit. Pergamus Pappe.

Quarto, Pappe, clamas apertè in præfatione, & Eme-
tingæ propositum esse singis: nouum esse totum nostræ
doctrinæ genus: sic vt ex Pontificijs scriptoribus, quando
in Ecclesiam importari cœperit, liquidò constet, & igno-
ta fuisse purioribus Ecclesiæ noui Testamenti seculis, que
contra vos disceptamus, merita operum, confessionem
auricularem, satisfactionem impositam à Sacerdote, sa-
crificium propitiatorium Missæ, Purgatorium, ordines
Monasticos, Sacramentorum numerum, primatum Ro-
mani Papæ, & sexcenta alia,

Id igitur quanquam propemodum alienum ab hoc
loco & coniunctum cum mendacijs tuis, tamen Pappe, ad
inconstantiam tuam magis perspiciendam & ad coargu-
endum ex sancto viro mendacium statim prosequemur.

Et pri-

Et primūm Pappe percontari ex te libet, verū esse pūtes an falsum quod scribis. Si enim falsum esse cognoscis, cur Pappetāto clamore? cur tot verbis inculcas mendacium? & mēdaciūm, cuius vanitatem ipse perspexisti?

Sin autem pro vero intus in animo, & in credulitate tua habes, Pappe, cur contra conscientiam, contra fidem, contra sensum tuum, Pappe, decem vix interpositis lineis fateris apertè, esse in sancto Viro multa Confessioni & Lutheranismo contraria: & consentanea Papistis?

Aut hīc, aut illic falsum publicè dicis Pappe. Si noua Doctrina nostra est, quōmodo defensa fuit à sancto Augustino? qui vixit ante annos mille ducentos? Si enim contraria Augustanę confessioni docuit, & patrocinatus causæ Doctrinæque nostræ S. Pater fuit, cur singis Pappe noua esse quę docemus? An nouum est quod ante annos mille ducentos publicè traditum à sanctis Patribus & susceptum fide Ecclesiæ fuit?

Rursus cur nostra singis ignota esse purioribus Ecclesiæ seculis? An purius S. Augustini seculum, & an purus Doctor sanctus Augustinus non fuit? Atqui si negabis, retundet impudentiam tuam liber Concordiæ, qui purum Doctorē nominat: refutabit te sancti nomen, quod ex calamo tuo ad istius viri appellationem in præfatione temere fortassis & incōsideratè, tamen septies affluxit.

Sed iterum Pappe, si purus sanctus Augustinus non fuit, significa, quęso, Pappe quis fuerit purior? & an possit ullus per mille quingētorum annorum intercapidinem esse purus, si purus ille non fuit? Et deinde responde si sunt alij Patres puriores, & secula puriora, cur tu toties vellicatus, cùm purum Doctorem & purum seculum nominare deberes, nullum alium Doctorē quām sanctum Augustinum, & nullum quām illius seculum, proposuisti, post tot tamqüe studiosè quæsitas tergiuersationes? Cur Pappe quāquam quarto die Iunij ante meridiem, & ad nominandū Virum vnum qui cum Lutheri sententia

pe

per omnia consentiret, deliberandi spatiū peteres, & postridie ad conuentum paratiorem venturum sponde-
res, tamen quinto toto Iunij die, ante & post prandium
sic os clausisti, vt nullum responsum ad id præstandum,
quod pridie receperas, extorqueri tibi patereris? Et tan-
dem sexto die post bene longam considerationem ex
omnibus delegisti, tum personam, tum vniuersum secu-
lum sancti Augustini? Si purus, Pappe, Augustinus non
est, cur cùm purus nominandus erat, nominasti sanctum
Augustinum Patrem? cur non alium puriorem Pappe?
Si purus non erat sanctus Pater, cur pro puro & pro Lu-
therano, post bidui meditationem, postquam ex fratri-
bus tuis consilium ceperas, postquam omnes latebras ex-
cusseras prudentiæ tuæ, nūcupasti sanctum Augustinum,
& sancti Augustini totam ætatem? cur nō aliam ætatem?
cur non alium Patrem? Dic Pappe: & nomina adhuc ali-
um. Sed tum quid Lutherò antesignano respōdebis er-
roris vestri, qui ad sanctum virum primas semper purita-
tis præ reliquis detulit? Si verò purus Pater sanctus Au-
gustinus, & purissimus omnium fuit, cur nostram doctri-
nam, inscriptam in sancto Augustino mentiris ignotam
esse purioribus Ecclesiæ Christianæ seculis?

An fortassis nullum purum post Apostolos seculum
fuit? coqué tu secula nō simpliciter pura, sed tantùm pu-
riora nominas? quasi non omnino ab errore libera: ta-
men magis pura quàm reliqua extrema. Adhuc igitur,
Pappe, verum est, cum Apostolis è mundo sublatam pu-
ritatem, non priùs in conspectum hominum reuertisse,
quàm cùm Lutherus Spiritum sanctum obbiberet in cer-
uisia Saxonica? Nulla igitur omnino Ecclesia publica
pura fuit ab annis mille quingentis mortuo sancto Ioan-
ne Euangelista, qui post omnes Apostolos postremus dis-
cessit è mundo? Et eousque mundare Ecclesiam Spiritus
sanctus non potuit, donec tandem Lutherus post decem
vel duodecim annorum vertigines, circumvolitus per
omnes

omnes opinionum dissimilitudines, semel vno aspectu
abstergam ab omnibus tenebris religionem in clarissima
luce reponeret? O Pappicam religionem: nullam fuisse
per secula longissima quindecim, puram Ecclesiam: non
sanctorum Martyrum, qui vitam omnes in pura Christi
fide profuderunt: no sanctorum Patrum: nullam pror-
sus. Incredet te Deus, Pappe, si ista serio dices.

Tamen impura omnia secula fuerint: In idem igitur
restota recidit, & rursus inter illa impura, vel erat ali-
quod purius sancti Augustini seculo: vel nullū erat pu-
rius. Aut igitur omnia rursus æquabiliter impura: aut
vnum purius altero. Si purius vllum erat Pappe, cur, ut
diximus, ex impuriori arripuiti Scriptoriē impuriorem?
si illud erat purissimum, in quo sanctus Pater vixit, quo-
modo ignotum fuit purioribus seculis, & quomodo nouum
est doctrinæ nostræ corpus, quod non negas credi-
tum esse in isto puriori seculo, & ab isto puriori Patre?

Iterum, Pappe, si purior sanctus Pater fuit, & purior
illius ætas & Ecclesia: quomodo concedis fuisse Papi-
stam sanctum virum, & Ecclesiā illius Papisticam? quo-
modo ille purior est, nos impuriores sumus? qui æquè
Sanctorum inuocationem, sacrificium Missæ, Purgatori-
um, operum iustificationem, ieunium, cælibatum sacer-
dotum, virginitatis præ coniugio præstantiam, & sexcen-
ta alia simul credimus? qui eandem & prorsus eandem
de articulis omnibus fidei intelligētiā animo compre-
hendimus & confessionem ore testamur? Verte te, Pap-
pe, & infleste in tot gyros, in quo mutabilitates Luthe-
rus primo doctrinæ suæ decennio Euangeliū quintum
suum intorsit, tamen non euades. Ipse tibi iugulum inci-
des, & tuo testimonio probabis, nouam religionem no-
stram non esse: nec ignotam purioribus seculis.

Præterea Pappe, quia paucis interiectis lineis testaris
ipse, in conformi & publico omnium temporum con-
sensu tanquam in pulchra Helena exultare gloriose im-

G mode-

moderateque iactare nostros: cur homo inuerecundus,
& immemor rerum omniū, nouitatem nobis doctrinæ
paulò antè tam leuiter exprobras? Si OMNIVM TEM-
PORVM requirimus cōformem & publicum consensum:
dic omnis ruboris oblite Pappe, quomodo nouum est
genus doctrinæ nostræ? Et si nouum est, cur contra ve-
stram nouitatem nostantopere pro Ecclesiæ antiquitate
pugnare scribis Pappe? Cur te ipsum refutas? An omniū
temporum publicus & conformis consensus noua & nu-
per nata, & Lutheranismi similis est doctrina, Pappe?

Adhæc Pappe cur fingis origines eorum, pro qui-
bus contra vos pugnamus, posse ex ipsis Pontificijs Scri-
ptoribus ostendi? cur fingis Pappe contra te ipsum? Isti
enim Pontificij Scriptores vel antecesserunt, vel securi
ætatem sancti viri sunt, vel cum eo vixerunt: aut fortas-
sis ipse sanctus Pater scriptor Pontificius fuit. Si ante Au-
gustinum demonstrari initium doctrinæ nostræ potest,
cur nouam esse calumniaris Pappe? & quomodo nō erit
antiquissima? Si post sanctum virum in lucem Ecclesiæ
illa eruperunt, quæ vos auersamini, & à nobis traduntur,
quo pudore Pappe, in ipso S. Patre existare contraria ve-
stræ & similia nostræ fidei testimonia scribis? Si post Au-
gustinū nata religio nostra fuit, quomodo Pappe, quod
post Augustinum excogitatū fuit, in S. viri libris est? po-
sterius in priore? & quomodo fuit antequam nasceretur?

Sed si sub memoriam S. Patris Augustini credebatur
in Ecclesia, quod nos credimus, quomodo rursus nouum
erit doctrinæ nostræ totum genus? Et si Pontificius scri-
ptor Augustinus fuit, cur haberi pro Lutherano, Pappe,
Emetinge in auribus sanctissimi Principis sub solenni iu-
reiurando, contestatus Deum voluisti? An parum tibi
erat despiciatui habere Deum & Mundum?

Fortassis Pappe negabis, esse in sancti viri relictis li-
bris inscriptam Doctrinam Fidemque nostram. Atqui
Pappe insimula te ipsum mēdacijs, si negabis. Scribis enim
fine

sine dissimulatione futurum ut ex D. Augustino contraria interdum testimonia proferantur. Sciebas igitur proferri posse: & Pontificios consueisse pro se talia quædam allegare, & Doctorem Henlinum alia contraria producturū eiusdem D. Augustini testimonia. De eo iam antea differimus. Tamen addamus aliquid. Aut igitur primū Pappe, de omnibus, quæ inter nos controversa plenissimaque dissensionis sunt: aut tātū de quibusdam concedis sentire nobiscum sanctum Patrem. Atqui Pappe qui potes de quibusdam, & non de omnibus? cum nos de meritis Operum, de Cōfessione auriculari, Satisfactione, septem Sacramentis, Purgatorio, Missa, ordine Monastico, primatu Papæ, & sexcentis alijs semper testimonia apponamus, ex sancto viro, & de re nulla primaria vobiscū controuersemur, quam non stabilire S. Patris testimonijs, & sic docere cogitemus, vt si à nobis S. Pater dissentiret, si id quod docemus una voce sua damnabit, continuò in iure simus futuri vestro. Ego Pappe solus tecū si iubes coram Senatu totaque ciuium tuorum multitudine vel etiam scriptis sic agam: vt si in articulis fidei, si in illis quæ tu adscripsisti, si in partibus essentialibus fidei, de sancti Augustini libris sine sancti Patris iniuria, & sine vitio verbum unum recitabis, quod me sententiamque meam confidat, statim corde & ore sim sententiam sectamque tuam secuturus: quod ne dubites iurabo: & quod iuro, præstabo facto: non deficiam à iure iurando vt tu iam fecisti.

Non igitur in quibusdam permittere Pappe sanctum virum nobis debes: debes in omnibus fidei partibus, quæ temeritate vestra inter Catholicos & hæreticos controversa facta sunt: & cōfiteri debes Pappe, in religionem nostra nouum nihil esse: essentialia omnia & controvessa omnia & sub Augustino, & ante Augustinum planè isto modo sicut nos credimus, floruisse semper in fide catholicæ totius Ecclesiæ, & re turpissimè falsum dixisse contra perspicuitatem veritatis, contra centuriatores tuos, con-

G z tra

trate ipsum: cùm nouū doctrinæ nostræ corpus esse scriberes: & tamen simul in Augustino velles consignatum in libris, & ad nostram memoriā relictum esse quod credimus. Nisi fortasse nouum vos Lutherani nominatis, quod vobis ignotum & à sensu vestro remotum est: sic verò & Christus saluator, & tota veritas, & Scripturæ intelligentia, & perpetuitas Ecclesiæ & regnum cælorum noua vobis erunt: Eorum enim nihil intelligitis, imposito super cor vestrum, texto ex malitia & temeritate, tegumento crassissimo.

Verùm satis fusè & factum tuum, & facti consectaria, & turpitudinem tuam accusauimus: & innocentiam defendimus sancti viri, & repulimus deformem iniuriam, quam tu in illis sanctimoniam infigere, & per eius latus totam Ecclesiam Christi ipsumque S. Spiritum confondere cupiebas.

Reuocemus igitur nos ad pactum tuum, & delibera-
mus quid edendis parallelis effeceris. Probare Emetingę
constitueras, Lutheranum in omnibus fuisse S. Patrem,
& eò ad magis stringendam fidem iusurandum iuraue-
ras sanctissimum. Cùm omnes in promisso, quod Deo te-
ste religiosè feceras, constantiam exspectarent, ipse Pappe
de conseruatione iurisurandi desperans, tanquam si
apertè violaturum te fidem, ad quam deuinctus eras, di-
ceres, in primo libri ingressu, & in præfatione vocifera-
ris, declaraturum te non quòd in omnibus: sed tantùm
quòd interdum, & quibusdam in locis Lutheranus & in
ceteris Papista sanctus Vir fuisset, id est, vt interpretari de-
bemus, non seruaturum te quod seruaturum dixeras. Id
quàm tibi nominique tuo honorificum sit, perpende
Pappe.

Nec tamen probare de toto Lutherismo conaris:
vis tantùm de Augustana confessione: & tertio vt te ad-
huc magis commacules, mentiris Pappe: Nec enim pro-
pter acerbitatē causæ possum dicere modestius, & igno-
scere

scere debes Pappe: tamen falsum dicis, & dicis cum atrocissima iniuria sanctissimi viri, contra sensum & contra conscientiam tuam, scire te, quod in S. Viro, ijs quae proposuisti, etiam in uno atque eodem libro multa sint contraria: nec tamen discriminasti de quibus contrarijs intelligeres: an quae verè essent: an quae esse tibi videretur.

Id igitur & tu Pappe considera, & reputent alij secum Lutheranæ Reip. ciues, quid feceris: quomodo cùm Lutheranum in omnibus fuisse S. Patrem commonstrādum esset: ipse te facere posse neges: & neges publicè: probes magis, non semper, nec constanter, nec omnibus libris fuisse Lutheranum S. Augustinum: nec tamen adscribis quod debuisses, qua ætate Lutheranus: extrema an prima, an media fuerit, & in qua sententia oppetiuerit sanctissimus Pater mortem. Itaque Pappe, triumphū istum consecutus es, vt nemo sit, qui non intelligat te fidem tuam iuramento constrictam non modò non seruasse, sed ne cogitasse quidem vñquam vt seruares, & eosque processisse, vt magno cum dedecore & admodū inuercundè, tanquam si ad gloriam tuam attineret, publicè sis inconstantiam illam confessus: tamen vt interim, quod alterum iurisiurādi tui membrum erat, ad nos Papistas Catholicamque fidem non transires, id est, vt prorsus nihil eorum, quae iurasses, seruares, & non seruaturum diceres: quod malui tuo & tuorum iudicio ad considerandum relinquere, quam exaggerare verbis: cùm & vicem tuam vehementer doleam, & si ex Lutherana te incuria & habetudine ad sanandas aliquando labes conscientiæ suscitas, sperem futurū, vt Catholicus factus miseriam ipse tuam lugeas & obiurges. Quod nisi considerem, quid me facturum putas Pappe? postquam spem omnem de seruandis quoquo modo pactis abiiciēs, idque publicè professus, tamen ad fidem nostrā non accedis: & religionem iurisiurandi non respectas: laboras magis, vt peccatum accumules: & sanctissimum Patrem inconstantem op-

G 3 nato-

natorem & idololatram S. virum fuisse: tum simul Lutheranam esse nouam prorsus Ecclesiam, dissimilē omnibus antegressis Ecclesijs: & continuò te refutans, doctrinam nostrām & antiquam & nouam esse confirmas.

Id igitur de parallelis tuis, infinitē abiunctis parallelis, tertio loco demonstrauit clarissimē.

CAP. III.

In quarto capite quod in parallelis reprehendimus, quoties Pappe verberandus flagellis essemus: quod historiam Emetingani colloquij contra protocolli fidem, contra eorum testationem qui interfuerunt, contra conscientiam tuam apertis falsitatibus aspersisti, & res quae vel nunquam oculis vel auribus suscepitae sunt, tanquam si reuera accidissent, sic commemorasti.

Sed Pappe non omnes hīc excutiemus falsitates tuas: Agemus solum de historicis quae ad rem gestam in colloquio pertinent. Theologicas & dialecticas rei jciemus in ultimum caput & in calcem libri.

I. Falsitas historicā Pap-

Principiō, Pappe, falsum est, à viris Catholicis aduersarijs tuis requisitum fuisse ut Doctorem vnum consentientem cum Augustanæ Confessionis articulis proferres. Id Pappe si de protocollo probabis, magnum te virum esse sinemus. Congruentem cum Luthero & cum Lutherismo vniuerso & omnibus huius varietatibus Princeps sanctissimiussit, & petierūt cæteri vt retro ex tota vetustate, & ex longissima omniū post Apostolos seculorum memoria nominares virum vnum vel Ecclesiam vnam. Tu verò vt fucum lectori obijcias: tanquam si in inuolucro Augustanæ confessionis totus inclusus Lutheranus esset, sic inter res diuersas, & inter totū & partem nō distinguis, & affirmas accidisse, quod reuera non accidit.

De Christi & S. Pauli testimonij & loco Egesippi, & fundamēto perpetuo relicto in literis sacris obijcitemus hīc nihil: differemus in caput quintum. tantum quod monere voluimus, in protocollo sic non esse, nec tam copiosè inscripta, vt tu narras. Nam scripturæ quidem breuif-

breuissimam protocollum mentionem facit. De loco
verò Egesippi obiter innuit, fuisse nominatum à te Euse-
bium, qui Apostolorum ætate tradat puram fuisse Eccle-
siam, repressis adhuc hæreticis: deinde hæreses magis at-
que magis usque ad Antichristi partum sustulisse caput.
Sed ubriorem istam amplificationem iactationi tuę po-
pulari vel obliuioni assignabimus: & in extremo capite,
quanti momenti sit, persequemur.

Secundo falsissimum est Pappe, & falso falsius, & egre- II. Falsitas
gium contra veritatem ductum parallelum: præmonuisse historica &
te vñquam, si dirigenda Catholica fides ad acerrimam esset antiqui- Theologica
tatis normam, actumiri pessimè nobiscum. Esse enim nostra omnia & Pappi, mater
quidem ea, quæ Lutherani auerſantur, ita noua, ut initia ostendi ex sexcentarum
ipsis Pontificijs scriptoribus, quando nasci cœperint, & simul confu-
tari ex sacris literis possint. Nouum esse totum doctrinæ Catholicæ
nostræ genus, scriptura & veterum seculorum Patribus purioribus
ignotum: ut merita Operum sunt, & Confessio auricularis, & Satis-
factio imposta à Sacerdote, & propitiatorium Missæ sacrificium, &
Sacramenta quinque præter Baptismum & Cœnam, item Purgato-
rium, & Monasticus ordo, & primatus Papæ, & sexcenta alia.

Hic Pappe, quot verba posuisti, tot scripsisti falsita-
tes: nec semel tantum sed bis & duobus modis sunt falsa
omnia: primùm Theologicè & per se: deinde quia in
colloquio publicè obiecta fuisse fingis, cùm de ijs in pro-
tocollo, in quo notati sermones tui sunt, verbum exstet
prorsus nullum.

Dic igitur Pappe quando dixeris? quo die? qua hora?
clam an publicè: senseris an dixeris? secundum quietem
an vigilans? Et tametsi, Pappe, vel intus vel foris vel ani-
mo comprehendisses vel essem verbis elocutus, quod non
factum est: tamen Pappe, essent impudentissima sexcen-
ta Lutherana mendacia. Nostra omnia, de quibus vobis
cum litigamus, antiquissima sunt: & tanto veriora quò
antiquiora vestris, & ab Apostolis uno perpetuo itinere
per ætates omnes progressa ad memoriam nostram, &
confi-

consignata in literis sacris, in scriptis SS. Patrum, in sanguine Martyrum, in perpetua possessione Ecclesiae, in pulcherrima omnium temporum consensione: ut tu ipse contra te Pappe concedis, & antiquitatis studium in nobis reprehendis. Sed illud uberrimè refutatum in capite iam tertio fuit: nec plus hīc adscribam, quām primū apertè falsum esse mendacium, tametsi Emētingæ dixiſſes: secundò falsum esse, quōd memoriam istius mendacij Emētingæ attigeris verbo uno. Duplex est falsitas Pappe: & quia nouas sexcentas doctrinas apud nos esse scribis, amplificas ipſe falsitates in bis sexcētas falsitates alias.

III. Falsitas
historica
Pappi.

Tertiò falsum est, nō habuisse aduersarios quod contra te proponerent. Miramur Pappe, an reliquum ullum sensum & pudorem ullum habeas. An nihil habuit Princeps sanctissimus, cūni vel os tuum sic constringeret, vt ſæpe obmutesceres, vel in tam absurdoste ex ipso Lutherò, ex concessis tuis contruderet angiportus: vt ipſe quid commodè diceres, & quomodo disputationem sustineras, non reperires, & devno absurdō in aliud prolapsus, tandem te ipsum miserrimè circumplexares, primumque deliberandi spatium in alterum diem: deinde in tertium mensem peteres. De Domino Zehendero nihil dicam, qui vix mensisvnius Neophytus, & adhuc Catechumenus Catholicus, senilem tuam triginta annorum Lutheranam absurdam literaturam in fumum dissecit, & quid Deus pro populo suo possit, quasi nouus David contra immanem Goliath Philistæum, exēplo suo comprobauit: cūm tu alioquin circumfluens verbis, in omnes te partes circumvolueres, & iam Ecclesiam permitteres regi à Spiritu sancto: iam non regi: postea eundem hominem simul à Spiritu sancto in quibusdam regi: in alijs non regi: & regi quidem in illis, in quibus recte sentit: non regi in alijs in quibus errat. Deinde Ecclesiam errare in partibus, & quia partes errant, errare totam. Præterea Ecclesiam errare & non errare, sed tantum obscurius intel-

intelligere: item fuisse multos contra Papam confessores, Lutheri similes: tamen ne vnum quidem sine liberatione posse nominari: similiter Ecclesiam oppressam tyrannide non confiteri liberè fidem. Sed quid ista commemo? consciētiam interroga tuam: quare ex omnibus Lutheranis qui interfuerunt, quare ex foederatis tuis Ecclesiarum non missis ministris, q̄ id dixeris, quid feceris, quām absurdē, quā indignē autoritate tua. Lege protocollum, Pappe: reuocate in memoriam, recollige pudorem: cogita quām bene delusus, quām ignominiosē discesseris: vt sine dubio nūquam te Emetingam & nunquam Schmidlinum fabrum multarum vanitatum Badenam venisse adhuc velles: & tum respōde Pappe, vel nos fortassis edendo protocollo te anteuertemus: vt falsitas tuæ, nobis tacentibus, de scripto tantū legantur.

Et Pappe si aduersarios tuos sic fregisti, si tantum de illis egisti Emetingæ triumphum, quantum verbis iam fuisse simulas, cur ita subitò defluxit tibi fiducia victoriæ: vt mecum coram sanctissimo Principe congredi, statim post extremam sessionem ab intercessore Varenbulero, Principis consiliario & legato vehementer rogatus, non velles, cùm tamen in cursu medio colloquij, Principi, si prior disceptatio commodè succederet, de eo spem fecis- ses? Itaque si victor ex primo colloquio abscessisti: cur contra promissum, nō venisti mecum ad vnius horæ collocutionem? quid adeò statim alacritatem interuertere potuit tuam, vt vesperi in coena, in qua nobiscum præter sanctissimum Principem multi Lutherani testes accubuerunt, exprimi verbum vnum de astrictis faucibus non sineres, cùm Dn. Doctor Hænlinus & ego, ille considens ad latus tuum, ego penè oppositus in mēsa, & Lutherum & Lutheri fatuitates vnuſ defenderet, alter euerteret? cùm totam istam disceptationem ad te euocādum comparatam esse sentires? cùm Principis minister non ita sapiens circūgressus tabulam, te à mœro readilaritatem

H

auo-

auocaret? cùm omnium oculi int̄charent, & pro Lutheri patrocinio exspectarent vocem vnam? syllabam vnam? Tum igitur cur nouus victor, contra percusos & mutos deuictos Papistas, oblitus laudis victoriæque tuæ, non os semel aperuisti? cùm & Lutherum vexari & te ludi, & tu scires & sentirent atque riderent omnes.

Meministi ipse Pappe: si negabis, testimonium contrate personæ viginti dicent. Quid igitur in mentem venit Pappe, vt tam perspicuā falsitatem in publicum aspetum referres?

III. Falsitas
historica
Pappi.

Quartò Pappe, falsum est, cùm aduersarij tui consensum omnium temporum ingeminarent, voluisse te exemplo S. Augustini rem clariorem facere. Non cùm de omnium ætatum consensu ferueret disputatio: sed cùm sèpissimè iussus & tanquam incusis flagellis coactus essem, vnum nominare per mille quingentos annos Lutheranum in Ecclesiæ per omnes orbis prouincias decursu: non statim nominasti, sed sessione tertia, quarto die Iunij promisisti tantùm, circumspecturum te interim de responso & postridie ad proximum conuentum venturum paratiorem. Tamen toto quinto die Iunij in utroque congressu tacuisti, tanquam piscis: & sexto primùm die lacesitus iterum de novo, S. Augustinum protulisti, & totā illius ætatem. Non igitur voluisti quasi respondens, ad omnium temporum consensum: asseclam religionistuæ producere S. Augustinum, sed inuitus & coactus postquam insidiosè de die in diem distulisses, tandem non S. Augustinum solum: sed & illum & omnes istius seculi Doctores proposuisti vt subscriptores Augustanæ confessionis.

V. Historica
falsitas Pap-
pi.

Illa enim quinta falsitas tua est, quòd Augustini exemplo testari sentētiā volueristi. Vti voluisti Pappe, omnium Doctorum qui cum Augustino vixerunt, & simul Augustini testimonio: vt de protocollo sub initium libri recitaui: nec negabis Pappe, contra protocolli literam.

Sextò,

Sextò, Pappe, verum non est, quòd statim admonue- VI. Historica
ris, non esse tibi ignotum quòd suas opiniones Pontificij falsitas Pap.
ex codem Augustino defendant, & fecerit magno volu- pi.
mine R. P. Hieronymus Torrensis. De isto P. Torrensi,
Pappe, verbum tum nullum edidisti, nec exstat in proto-
collo: sed post vtranque sponsonem, cùm de confessu
surrexisse omnes, cùm D. Doctor Hænlinus solicitaret,
vt statim quod dixisti ostenderetur: tum demum aiunt
obiectum fuisse istum Doctorem Torrensem, non quòd
crassum volumen in lucē emisisset: sed quòd D. Doctor
Hænlinus adiutus libro Torrensis merito paratior esset
quàm tu, qui tali subsidio careres. Quòd verò monueris,
quomodo scires defendi à nobis ex S. viro fidē nostram:
& quòd perspicuè adieceris, futurum, vt contraria testi-
monia proferantur: dissentit protocollo, & negāt qui
interfuerunt. Verba protocolli istiusmodi sunt. *Tamen si*
verò post probationē meam ex illis ijsdem Patribus fortassis (schon)
probaretur, docuisse simul contrarium, tum primum noua nasceretur
questio, viram sententiam ipsorum sequendam iudicaremus. Non
igitur monuisti te scire: nec perspicuè adieciisti futurum:
sed timidè & de scientia diffidens tua, subdubitasti & pro-
posuisti conditionem: (*si contraria proferrentur*) nihil dixi-
stiaffirmatè: nihil perspicuè: nihil sine dubitatione.

Septimò, quo rubore dices, Pappe, visam tibi statim VII. Histo-
fuisse iniquam D. Doctoris stipulationem? an quia præ- rica falsitas
stari non posse præcognosciebas? Tum verò cur fuisti sti- Pappi.
pulatus rem iniquam, vir & imprudēs & hostis æquitatis?
An quia contraria sciebas esse in Augustino? at quomo-
do Pappe, intelligebas esse contraria? an verè, an in spe-
ciem? an in prima, an in extrema S. viri ætate? De illis ve-
rò Pappe, cur verbum nullum adiunxisti? cur monuisti
prorsus nihil? cur ne dubitasti quidem vt feceras priùs?
dictamen quomodo iniqua fuit idcirco stipulatio, quòd
scires reperiri quædam in Augustino, quæ Pontificij pro-
seallegant? At quomodo allegabant Pontificij, Pappe?

an ineptè? & tum quomodo iniusta fuit stipulatio? an aptè? igitur Pappe cur non apertè tum enūtiasti? cur adhuc dissimulas? Sed Pappe vel posse seruari pactum antè sentiebas: & stipulatio iniusta esse non potuit: vel non posse, præcipiebas animo: & tum cur iurasti *αδύταρον?* cur in pactionem iniquam consensisti? cur quid intus sentires, non patefecisti? cur illusisti Principi sanctissimo, in ista tuorum & nostrorum omnium tanta tamque graui-ter concitata exspectatione? Quid iudicas Pappe? Vel falsum dicas, quòd iniquam esse stipulationem præiudi-aueris, vel imprudēs & ineptus vir es, & alienus ab æqui-tate, quòd pactionem sub iureiurando subires, quam ex-pediri vel omnino non posse, vel ita non posse sicut iu-raueras, intelligebas antequam iurares. Delige vtrum placet, Pappe.

IIX. Aperti-
fima falsitas
Pappi.

Octauò falsissimum est Pappe, quòd post D. Doctoris Hænlini stipulationem te spoondisse scribis: *nisi id quod interceperas, de confessionis Augustanae articulis ex ipso D. Augu-stino comprobandis re ipsa præstares, futurum te Pontificium.* Sic Pappe in extrema sponsione, quæ stipulationi adiuncta fuit, nunquam dixisti: promisisti sub fide dexteræ coram Deo & Mundo, ut verba tua sunt, *nisi commonstrares S. Au-gustinum per omnia fuisse LUTHERANUM, futurum te & manus-rum Papistam.* Ibi de Augustana confessione intercurrit vox nulla, neque D. Doctor Hænlinus eam nec Princeps sanctissimus vel post vel ante sponcionem vtramque no-minauit: nec tu quarto die Iunij dissimulabas quid ab aduersarijs quæreretur: cùm id versari in quæstione repetēs de aduersarij sermone diceres, *An durāte Papatu posuit unus vel plures proferri, qui in capitibus fidei ad salutem necessarijs per omnia cum Lutheri opinione consenserint: idq; te postridie cùm me-lius ad rem instructus esses, declaraturum promitteres.* Sciuisti igitur non de Augustana confessione, sed de toto Luthera-nismo quæri: & quanquam tu in prima promissione con-fessionem istam vestram, contra tuam ipsius de statu cau-sæ sen-

sæ sententiam intrusisti, tamen in stipulatione de qua hîc loqueris, & in extrema sponsoñe falsissimum est Pappe, tum voluisse te esse Pontificum, si Augustanam cōfessionem ex S. viro non probares. Iurasti Pappe, Papistam te futurum, si non doceres, fuisse Lutheranum per omnia S. Patrem. Diximus verò iam antea quantum inter Lutheranismum & confessionem intercederet discrimin: quanquam in eo conueniunt, quòd virumque semel cōstatum, postea quotidie reconstitum fuit. Nec cō cogitatione spectamus, quòd de confessione facilius fortasse probare iuriandum potuisses, quām de Lutheranismo: syllabam nullam confessionis vestræ, quæ inter vos controvërsiam habet, probasti Pappe, nec probabis quādiu statuit Lutheranismus. Literam nullam fecit S. Pater, quæ in controvërsis articulis vobiscum sentit: & fatuitatem vestram confirmat: & xquè non potes de cōfessione atque de Lutheranismo: & ne quidem de vñica potes confessioñis thesi. Tamen vt quid iuraueris, & quid iam dicas, patreat omnibus: apertè cōmentitium est Pappe, indignum literatura tua, quod iam publicè nihil verecundans finis, tum te iurasse accessionem ad Papatum, si ex Augustana confessione consensionem S. Patris non ostēderes. Non id dixisti Pappe: falsum est: promisisti, nisi S. virum confirmares fuisse per omnia Lutheranum, statim te futurum & mansurum Papistam.

Nonò falsum est Pappe, id solum nobis de te restare, IX. Historica
vt demonstremus mala te fide vsum esse in citādis S. Au- falsitas Pap-
gustini verbis. Non sic Pappe iuratum Emettingæ, neque pi.
sic discessum fuit, vt ad sonum verborum attenderetur,
vt qualiacunque verba citares, sed vt congruēter & aptè
citares, & doceres Lutheranum fuisse S. virum. Tametsi
igitur verbum nullū pervertisses, tamen fuit officij mu-
nerisque nostri, testatum relinquere, quomodo prorsus
nihil ex non appositi appositis testimonijs probasses, &
quomodo in rem omnino non conuenirent, quæ ex san-

Ato viro tanquam puer alphabetarius ad manum exercendam per otium in charta appinxisti.

X. Historica
falsitas Pap-
pi.

Sed & decimò falsum est Pappe, nullam in citando interuenisse fidem malam. Non enim ea posita in corrumendo tantùm est malitiosè textu, & in epta allegatione: patet mala fides multò longius: cùm truncatur & studiosè contorquetur & contra conscientiam ridiculè apponitur textus: & cùm pro albo ostenditur nigrum, pro cæpis allia, quæ omnia de te probamus Pappe, & id potissimum quòd operam nunquam dederis, vt confrens S. Augustinum cum S. Augustino, veram S. Patris & legitimam sententiam doceres, quod te fecisse turpiter vndeclimò comminisceris. Illud verò libenter concedimus, ad scripta sepius numero clara fuisse & perspicua S. Patris testimonia, sed quæ vel ipsa imprudentiā tuam aperissimè redarguerent, vel toto cælo tanquam vera parallela à thesi tua æquabiliter distarent, vel ad rem facerent prorsus nihil.

X I. Histori-
ca Pappi fal-
sitas.

Hæc igitur hactenus Pappe, de crassioribus inanitatis tuis, quas in præfatione contra perspicuitatem & lucem protocolli turpiter in una ferè pagina, cum alijs Theologicis falsitatibus contexuisti, & quas Emetingæ in colloquio accidisse contra veritatem historiæ, contra conscientiam tuam, contra testimonium grauissimorum hominum malè narrasti Pappe: & tuam iam antea ex neglegto iure iurando grauissimè concisam & delumbatam fidem dedecorasti multò magis, vt rursus Pappe quid de te sentiamus, nisi ad seruandum promissum te reuoces, Catholicamque nostram solam veram fidem, ad sanandam prioris vitæ tuæ turpissimè vulneratam fidem adhibeas, non videamus.

CAP. V.

Tantoq; magis, quòd præter historicas falsitates (propero enim ad quintum Epistolæ caput) multis Lutheranis Theologicis & magnam partem in colloquio refutatis exilitatibus & mendacijs præfationem complere, &

vete-

vererem imbellem toties iam profligatum militem de-
nouo ad dimicandum in aciem intrudere pro inconsi-
derantia tua voluisti.

De eo igitur deinde breuiter ante conclusionē agam:
& rursus deliramēta tua non omnibus momentis ad ex-
tremum prosequar: maiorem ego rationē quām tu ipse
habuisti, inibо pudoris tui Pappe, & tantūm breuiter ar-
tingam, vt quia sensus stupore vulnera & angorem con-
scientiæ non sentis, cohorratione mea, quasi stimulos in-
cutiam ad euigilandum, & ad animi agnoscendam duri-
tiem, & ad coniungendum te cum Ecclesia nostra.

Primū mentiris Pappe, nec enim in immoderatam
petulantiam tuam verbum possum vllum apponere mi-
tius: ignosce igitur Pappe: mentiris impudēter cūm pre-
fationis initio, homines Catholicos nostros autoritati-
bus scripturæ scribis haētenus ita constrictos conuictos-
que fuisse, vt in ipsarum scripturarum autoritatem sint
conuersi, quasi non rectè habeant, neque sint ex autorita-
te & quia variè sint dictæ, & quia non possit ex his inueni-
ri veritas, ab ijs qui traditiones Valentini ignorant: quod
tu S. Patris Irenæi dictum, quod ille in hæreticos Lutheri
similes iecerat, flagitosè ad nos & ad Catholicam fidem
accommadas. Dic enim Pappe vbi? quo Imperatore?
quo loco? quo libro? in quo angulo vici, & in angustias
coniecti nostri sunt? dic Pappe si verum est quod scribis,
vbi factum est? dic si boni viri nomen tueri cupis: dic
quando in ordinem autoritatibus scripturæ sic redacti:
quādo ab hæreticis vobis sic pressi fuimus, vt ad ineptum
vllum diuerticulum configureremus. Falsum igitur pri-
mū est, Pappe, doctum Catholicum vllum vnquam ex
scriptura conuictum esse. Vos ex scriptura vici semper
fuitis: à vobis triumphū istum ex scriptura semper egi-
mus. Et Pappe, si placet, accipe conditionem: dispu-
mus corā Senatu tuo ex sola scriptura. Si me vinces, mini-
mum omnium Catholicorum, si ex scriptura cōstringes,
decer-

I. Theologi-
ca Pappifal-
fitas.

decernam tibi lauream Pappe pulcherrimam, conuersi-
onem meam & multorum ad opinionem Lutheranam
tuam. De eo interim responde Pappe.

II. Falsitas
Theologica
Pappi.

Secundò falso est, reprehendi scripturam à nobis,
& accusari, quòd non rectè habeat, & ex autoritate non
sit, & quòd variè sit dicta: id totum de nobis falsissimè di-
cis. Ad vos si transferres, faceres optimè. Verum est Pap-
pe, illam nō pulchram sed turpiter deformem Helenam
vestram de omnium credendorum in scripto verbo plā-
nissima comprehensione, quam in omnibus libris tan-
quam numen aliquod obiectatis, refutari grauissimè à
nobis & iucundè rideri, non tantùm quòd hæreticum sit
deliramentum, sed quòd à seipso statim cùm pónitur, eli-
datur. Si enim, quod sæpe dixi Pappe, nihil est credendū,
nisi quod credi sacra scriptura expressè iubet, quomodo
credemus Pappe, inscripta omnia esse in literis sacris?
cùm nullo iubeamur scripturæ loco? Recita Pappe, lo-
cum vnum ex omnibus scripturæ libris, in quo mādetur,
vt ea tantùm, quæ scripturæ complexione apertè conti-
nentur, credamus, & extra relictum nobis scriptum ver-
bum credamus nihil? recita Pappe si potes, sed ne recita
illa Pappe, quæ iam vobis omnibus in mea cum Grynæo
disceptatione de manibus expressi, & inanes sonos ve-
stros esse, non esse scripturæ sententiam ostendi: aut si
pro consuetudine Lutherana tandem toties tamquæ gra-
uiter damnatam cātilenam denuo canes, solue simul ar-
gumenta, quibus & tum à me & sæpe ab alijs exposita ve-
stra repressaque fuit in scriptura tumultuādi libido. Sed
non potes Pappe, & ipse Lutherus te redarguet, qui mul-
ta quæ scriptura non iussit, tamen si non expressè prohi-
beat, credenda & vtenda sectæ tuæ reliquit, & contra Ca-
rolstadium consuetudinem negatiuè ex scriptura ratio-
cinandi magno clamore reiecit. Illa omnia, inquit Luthe-
rus, quæ quanquam in sacris literis expressè non iubentur, tamen nec
damnantur, credi liberè sine offensione possunt. Non igitur Pappe
Luthe-

Lutheru idolo tuo semper omia erant in sacris literis inscripta, & falsissimum est ullam inde inferri in verbum à S. Spiritu sanctissimè dictatum & in sacram scripturam iniuriam, ut vos inepti hæretici inepte & hæreti cè contra scripturam concluditis. Iniuriam nemo facit scripturæ, qui sic sentit. Honorem habet Pappe.

Deinde alteram & cramben vestram de clarissima & omnibus pueris testata perspicuitate scripturæ, quam & Lutherus architectus, & vos istius monstri procreatio interdum, ut puppim & proram erroris vestri defenditis, & rursus, cum commodum est, pedibus conculcatis, libenter profitemur sine vlla scripturæ ignominia, tanquam puerilem & arreptam extra scripturam fatuitatem à nobis isto crasso & infinito modo quo vos animales homines soletis, non admitti. Non leges in scriptura Pappe, in tam claro lumine collocatum esse scriptum verbum, ut ab omnibus septennibus pueris, & rusticis & sartoribus possit perspici. Falsum igitur ex vestris mysterijs est Pappe, quod dicitur, & nos recte sentimus, perspicuam esse scripturam non omnibus, non pueris, non asinis, nō hominibus animalibus: sed spiritualibus, quorum lucernam Spiritus S. illuminauit, sicut Propheta loquitur, & qui spirituales facti, literas Spiritus S. in obsequio Ecclesiæ & de Ecclesiæ institutione legere didicerunt: qui in lumine Spiritus S. non in turbulēto capitum suorum arbitrio vident lumen à Deo accēsum in scriptura. In lumine Dei videre lumen Pappe, & in Ecclesia esse, & an sit constare debet, qui intelligit scripturam. Extra Ecclesiam nec inspiratio Spiritus S. nec intelligentia scripture, nec perspicuitas est. Deinde aperiendi à Deo oculi sunt ad consideranda mirabilia legis, & declarati, non simpliciter recitati sermones illuminat & intellectum dant parvulis. Sic igitur perspicua est scriptura, cum intus in animis hominum collustratur nouo lumine Spiritus sancti, & cum in Ecclesia legitur in domo Dei, columna & firmamento

I veri-

veritatis, & in huius obsequio: & interpretatio ex Spiritu sancto, sed per Ecclesiam suscipitur, per unicum Spiritus sancti canale, per quem in animos influxit, & per unicam eius vitulam, in qua arari vult, ad inueniendas propositiones, ut Samson inquit. Reliquæ interpretationes eorum, qui in Ecclesia Catholica non sunt: & quæ ab Ecclesia non sumuntur, sed magis contra perpetuam Ecclesiæ Catholicae confessionem hauriuntur intus ex nouis nouarum opinionum influxionibus, tenebrae sunt, mendacia sunt, fatuitas sunt, claritas non sunt, veritas non sunt, sapientia non sunt Pappe. Nec iniuria illa est scripturæ: Quod vos eructatis, omnia esse in sacra scriptura, & propositam illam esse ante omnium intelligentiam, ista summa est iniuria scripturæ, ut dedecorari magis & iudificari S. Spiritus & scriptura non posse. Non volunt scriptura & huius dictator Spiritus sanctus à vobis perfici, ut vos addatis quod Spiritus apponere nō voluit: quasi eousque subtilitatem vestram Deus exspectasset, ut à vobis completeretur quod intermissum ab illo neglectumq; fuit. Contumelia est illa, Pappe, Spiritus sancti & scripturaræ maxima. Non igitur Papistæ accusant scripturas, quod non rectè habeant, & ex autoritate non sint. Vos facitis, Lutheri stellæ, quas cauda sua de cælo in terram detraxit: ipse Lutherus fecit: qui scripturā omnia credenda complecti, qui planissimam esse scripturam septennibus pueris, & contra & extra scripturam, & contra seipsum docuit, nouator & corruptor scripturæ & Ecclesiæ.

Agam hīc proprius tecum Pappe: Autoritatem scripturæ quomodo vellicauerit Lutherus, quomodo corruerit, quomodo in contemtionem proiecerit, an cuiquam dubium adhuc est? qui multos libros scripturæ, Epistolam S. Iacobi, Apocalypsin &c. scripturā esse non sinit: iterum probat: damnat, rursus laudat: qui integra capita de corpore scripturæ decerpit: qui voces integras contra omnes linguas de libidine sua in textum infert:

qui

qui non omnes libros noui Testamēti ad salutem necessarios esse tradit: qui de ipsis Euāgelistis & Apostolis, tanquam si futores essent, scurriliter iudicat: qui versionem Latinam, multarum Ecclesiarum per multas etates vnicam versionem, conuellit: qui textum Græcum veteris Testamenti, ab ipso Christo & Apostolis usurpatum & translatum in Testamentum nouum, ex Hebræo nostro textu peruertit: qui Hebræos textus in veteri Testamento pro originalibus habet: non habet textum Christi & Apostolorum: qui Græcum nouum Testamentum prius esse putat quam Latinum: eoque Latinum conuersus ex antiquis libris, qui priscis temporibus erant, cùm ab illis dissidet, petulanter culpat: qui Spiritum sanctum & Spiritus sancti libros sub arbitrium suum subiicit: qui Ecclesiam vnde scriptura, quoad nos, autoritatem externam vniuersam mutuatur, & sumit testimonium, Ecclesiam Christi esse non permittit. Ista cùm de Luthero & ab alijs & à me probata in causis sint, quas pro sanctissimo Principe Badensi Marchione Iacobo scripsi, quid Pappe, dubitatis turbinem scripturæ & tempestatem Ecclesiæ & procellam in Spiritum sanctum agnoscere Lutherum? Nega aliquid Pappe si potes, procede in publicum: Iube ut quæcum obiter proposui, planius & copiosius amplificem: ero certè paratissimus Pappe.

Vides igitur, omnia ista criminose à te in nos Catholicos intorqueri: cùm vestræ sint turpitudines, vestra flagitia, vestræ iniuriæ. Nos scripturam nunquam accusauimus: fatemur, quantum Spiritui sancto cōferre in libros & ad nos propagare placuit, tantum in illis inscriptum esse: nec negamus ita perspicuam esse scripturam, vt Spiritus sanctus autor illius perspicuam esse voluit. Id negamus Pappe, omnia voluisse Spiritum sanctum scribendis libris complecti: negamus voluisse res maximas, & sapientiam Dei sic illuminare verbis, vt puer vel sutor quisque in literarum picturam intuēs, res per totam scriptu-

I 2 ram

ram sparsas, & rerum intelligentiam abstrusam sub literis & mysteria maxima in paucorum verborum inuolucris significata, statim perspiciat, etiam cum hæreticus est, cum in Ecclesia non est, cum in Spiritu sancti lumine non est. Id igitur negamus Pappe, & non negamus ut Lutherus fecit opinator: qui aliquando pueris omnibus scripturam subiicit: rursus tam difficilem esse ponit, ut omnes S. Patres propter linguarum ignorationem, quid Spiritus sanctus vellet, non consecutos esse confirmet. Sic igitur bilinguis Lutherus negat. Nos simpliciter & constanter negamus, esse ylo loco in scriptura, quod Spiritus sanctus omnia in librorum monumentis consignare & ad nos posteros transmittere, & tam aperte tradere cogitauerit, ut à pueris & farroribus statim introspiceretur. Nec tamen accusamus scripturam quasi non recte habeat, & ex autoritate non sit. Calumnia illa Pappe, tua est & mendacium tuum: planè ut asini calcearij Tubingensis & aliorum Lutheranorum patrum puerile & ineptum mendacium fuit, cum quod Hosius Cardinalis sub persona Lutheranoru& Schuuenckfeldianorum in libro interposuit, asinus ille & illi insani patres, tanquam si pro se dixisset, adscriperunt, & sanctissimum Cardinalem finixerūt vituperatorem esse scripturæ: quod miror, quomodo tu Pappe, sis hoc loco oblitus.

Verum nos laudamus scripturam, & recte in omnibus habere & splendere diuina, & maxima autoritate testamur: & ego hic magna voce inclamo: ut audiant cælum & terra iniuriam, quam nobis permendacium imponitis: Laudamus scripturam, & miramur Spiritus sanctus in ea diuinam prudentiam & benignantatem Dei: quod tum scriptis, tum conseruatione traditionum perpetuari ad nos Euangelium filij sui: & quod lumen in Ecclesia præferri, ad lumen aspiciendum abiunctarum à sensu intelligentiaque nostra rerum: & quod domum in mundo ædificare voluit, quæ columna & firmamentum veritatis contra

contra omnes se^ctas, & contra omnes absurdas & arbitriias interpretationes esset.

Tertiò falsum est, traditiones quas culpat S. Irenæus, III. Theolo-
esse traditiones nostras, & pertinere locum ad infirman-
das Ecclesiæ traditiones, cùm apertissimum testimonium
pro traditionibus Ecclesiæ ad intelligendam scripturam
& ad refutandos hæreticos in isto eodem loco statim sub-
iunxerit, & cōtinuis quatuor capitibus explicauerit pul-
cherrimè S. Irenæus Pater. Hostis enim iuratus Lutheranæ
se^ctæ in traditionibus fuit.

Credo enim te Pappe, quia partibus Lutheri infectus
intelligere S. Patrē non potes, legisse, quid fol. 70 & 71 in
analysi thesū Heerbrandi de Ecclesia notauerim, & quo-
modo S. Patrem, & illum ipsum S. Patris locum retude-
rim in iugulum Heerbrandi totiusque se^ctæ vestræ. Non
enim de veris Ecclesiæ, sed de hæreticorum commenti-
tis traditionibus isto loco quem tu adducis, loquitur S.
Pater: nec traditiones Ecclesiæ vituperat: sed contra hæ-
reticorum traditiones statim adhuc in eodem capite po-
nit: & ad has, successionibus Presbyterorum in Ecclesia
custoditas traditiones, deinde prouocat hæreticos: & so-
la traditione sine scriptura doceri posse, & multis locis
doceri Euangelium: & ex traditionibus veterum Eccle-
siarum explicādam esse scripturam, si obscura vel dubia
facta sit, tradidit. Cur igitur Pappe, si ista legisti, si textum
in S. Patre adspexisti, periclitari tuam magis audes iam
antea satis conflictatam verecūdiam? Quid Pappe? quid
dicam? quid sentiam? An euertit S. Pater traditiones Ec-
clesiæ? cùm laudet? cùm ad perspiciemad scripturam,
ad tollendas dubitationes, ad illuminandam religionis
veritatē requirat? nec sub traditionis vocabulo scriptu-
ram intelligit, vt Lutherani contra S. Patris perspicita-
tem contendūt, sed traditionem à scriptura discriminat,
& cùm primū traditionem quatuor capitibus propo-
suisset, quinto capite procedit ad scripturam, idque se fa-

cere palam profitetur. In iuriam igitur, Pappe, facis S. Patri: cum traditiones Ecclesiae obiurgari ab eo & quasi non necessarias ad scripturam intelligendam haberi significas: cum ille haereticorum reijceret: laudaret Ecclesiae, & ad explicandam scripturam adhiberet traditiones.

III. Theologica falsitas Pappi.

Quarto falsum est, campum patere in S. Augustino latiorem & vberiorem ad euagandum, quam in sacris literis: multo enim est angustior. Primum illa cōcisa scripturæ breuitas non est in S. Patre. Scripsit S. Pater omnia tanquam interpres multo verbosius: & locū vnum scripturæ & repetiuit sēpissimè, & quantum potuit, illuminauit: ut quod vno libro in obscuritate relictum videri posset, explanauerit in alio. Quod enim multis verbis illustratum copiosè fuit, tam obscuros & difficiles explicatus non habet, quam quod paucis verbis proponitur. Deinde non suam, sed totius Ecclesiae sententiam docuit: & quia exagitata à diuersis haereticis erat: quō plus operæ ad confutandos haereticos adiecit, & quō pleniū haereses euertit, tantò notior nobis & testior est S. Patris sententia: non tātum ex perspicuitate & vbertate quam adhibuit in dicendo, sed etiam quod ipsa haeresis iuxta veritatem collocata magis inuolutam rem totam aperiat. Sed pergamus Pappe ad falsitates alias, quæ interspersae sunt in præfatione.

V & VI. Falsitates Theologice Pappi.

Quinto, Pappe falsum est, si simpliciter enuntietur, fundamentum esse sacras literas, id est, librum Biblicum, vel literas libri Biblici: & sexto falsum est, vbi istæ retinentur, retineri fidei fundamentum, quod non in externis notis sed in rerum per notas significatarum comprehensione consistit. Nec effugies Pappe, si te non ad literam, sed ad sensum intelligentiamque scripturæ respexisse dices: magis te inuolues. Vell literam scripturæ, vel intelligentiam ponis in præfatione pro fundamento ad confutandos errores: & illud ais retentum in Ecclesia fuisse semper. Si literam, id est, externas notas & syllabas vis esse perpe-

perpetuum Ecclesiæ fundamentum: falsum dixisti quod
Emet ingæ in colloquium res vñquam ista venerit: dein-
de vnum Catholicorum & hæreticorum, Christianorum
& Iudæorum fundamētum esset, & eiusmodi fundamen-
tum, cum quo infinita millia hominū in infernum profi-
ciscuntur. O fundamentum quod in se nisi intelligatur,
vsum prorsus nullum habet: si scripturæ sensum pro-
fundamento habes, loqui te necesse rursus est, vel de ve-
ra orthodoxa, vel de adulterina hæretica intelligentia.
Hæreticam recipere pro fundamēto non possumus: Or-
thodoxam igitur sine dubio intelliges, & orthodoxus
scripturæ sensus ex tua opinione retentus semper in Ec-
clesia fuit. Falsum igitur rursus est, quod contra te scri-
bis, non semper puram fuisse Ecclesiæ doctrinam, & ve-
rum est Pappe, ex tua thesi, semper in Ecclesia veram &
orthodoxam eoque puram fuisse scripturæ interpretati-
onem & comprehensionem.

Si rursus dices, permittere te de parte scripturæ, non
de tota: repeto argumentationem vniuersam: Vel intel-
lecta scriptura vel non intellecta, est perpetuū fidei fun-
damentum & dominatrix errorum. Iterum vel tota in-
telligi debet, vel satis est partes aliquas intelligi, & adhuc
vel partes omnes necessarias ad salutem, vel non omnes.
Quid corū dices Pappe? An non intellecta scriptura, vel
non intellecta in partibus omnibus necessarijs est fun-
damentum perpetuum? sed tum quomodo ex non intelle-
cta scriptura redarguētur errores? An fuit seculum post
Christum, quo non intelligebatur scriptura, & non co-
gnoscebatur in omnibus necessarijs ad salutem, & falsitas
errorum non poterat ostendi? an pars viii seculi fuit, in
qua per orbem terrarum vir sanctus & intelligens salu-
tis suæ, & animaduersor errorum & electus haeres cæle-
stis regni nullus fuit? aut si electi fuerunt semper: illi
verò de Christi assueratione non erant: an potest tem-
pus nominari quo ab omnibus permundum erraretur?

an v-

an verò si ab omnibus non erratur, non semper pura est Ecclesia? & fine vitio intellecta scriptura? Rursus an scriptura omnibus necessarijs partibus intellecta, est fundamen-
tum? semper igitur Pappe, necessaria ad salutem fu-
erunt intellecta, & confutati contrarij errores. Semper
igitur Pappe, pura in cognoscendis necessarijs fuit Eccle-
sia & ista semper permanxit in Ecclesiæ intelligentia: &
idololatria refutata semper fuit. In quibus enim parti-
bus percepta scriptura semper fuit, in illis contrarij erro-
res, ut ipse scribis, perspicuè redarguuntur. Nunquam igi-
tur in necessarijs partibus error cum fide confluxit: nun-
quam idololatria cum veritate.

Quoquo igitur te cōuertes, verum est & falsum quod dicis. Verum est, scripturam esse fundamentum perpetuum fidei: falsum est, esse in litera tantum: est enim simul & in litera & in Spiritu: in sensu: in intelligentia: in per-
spicuitate. Itaque pura semper fuit Ecclesia & perspicua semper scriptura: non omnibus mēbris, tamen Ecclesiæ.

VII. Theolo-
gica falsitas
Pappi.

Septimō quid dicā de dialectica tua incredibili per-
spicientia, cūm ex Christi & S. Pauli locis, quibus illi de Antichristo loquuntur, vis per ratiocinationem concludere Ecclesiæ impuritatem, & obscuritatem scripturæ? Primū Pappe, an quia pseudoprophetæ, quia pseudochristi, quia Antichristus, quia iuxta concupiscentias hominū accumulati prurientes Lutherani Doctores erunt, ideo præter illos nulla pura & intelligens scripturæ erit Ecclesia? id igitur Pappe, vinculo aliquo dialectici medij constringe: conforma syllogismum: & ingenij celerita-
tem acumenque tui, nō in cælum efferemus, attollemus super cælos omnes. Conare, videamus quid possis. Ta-
men concedamus verum esse: ergo Pappe, S. Pauli tem-
pore Ecclesia pura nulla fuit? operabatur enim tum Antichristus iniquitatis mysterium. Sed dices cœpisse, non dum compleuisse iniquitatem Antichristum, cūm viue-
ret S. Paulus. Nihil efficis Pappe. Ut enim cœpit tum An-
tichri-

tichristus: sic ex tua concludendi libidine cœpit Ecclesia
impuritas, & caligo scripturæ, & non cœpit extra Eccle-
siam, cœpit in Ecclesia, vt ipsa Ecclesia Apostolorum in-
ciperet in se esse immunda & ignara scripturæ. Eodem
enim modo vos de progressu & incrementis Antichristi
concluditis: quô longius dominatum suum profert An-
tichristus, hoc Ecclesiæ omnes esse impuriores. Minùs
igitur erunt impuræ, quô plus adhuc repressa autoritas
Antichristi, & quô tyrannis illius refrenata magis est: sed
quanquam minùs impuræ, tamen impuræ erunt ex Lu-
theranorum ad concludendum pruritu: coque S. Pauli
& Apostolorum Ecclesia propter primos spiritus Anti-
christi quostum statim ostēdebat, non pura prorsus erit,
& nulla in vniuersum pura simpliciter Ecclesia vñquam
fuit. Sed nec illud vrgeamus: repetemus nostrā ætatem.
An enim Antichristus hodie secundum vos nullus est?
an pseudoprophetæ & pseudochristi nulli? an non infi-
niti & innumerabiles sunt? an sectæ nullæ, an doctores
nulli, quibus pruriunt aures? an non magis Pappe, nul-
lum seculum vñquani fuit in plures pseudochristorum
varietates concisum, & in plures dissectum sectas? Quid
igitur dicemus? an pura hodie Ecclesia nulla est? & an ne
quidem Lutherana? Id enim ad licentiam in argumen-
tando vestram consectarium est, Si quando pseudochri-
sti & pseudoprophetæ & Antichristus est, tum nulla est
pura Ecclesia: & hodie inficiari nemo potest, esse pseu-
dochristos & pseudoprophetas quām plurimos: vos etiā
Antichristum & adhuc dōminātem apponitis: quomo-
do pura erit Lutherana & intelligens scripturæ Ecclesia?
aut si isthæc pura in summa affluentia pseudochristorum
erit, peripicuè falsum est quod ponitis: quādo Antichri-
stus & pseudoprophetæ sunt, non relinqui purā & aptam
ad intelligēdam sine errore scripturam Ecclesiam. O ar-
gumentatores: O dialectici, qui hostem gladio petunt
quo scipso iugulant.

K

Verūm

Verum fortassis non semper incommodat Ecclesia
 Antichristus: nocet certo tempore, certis seculis, cum
 maximè floret. Nocet certè Pappe, Ecclesia in membris
 quæ abstrahit, & quæ Luthero, vel Zwinglio, vel pseudo-
 prophetis alijs adiungit, subtracta ex Christi ouili. Non
 nocet in vniuersum, non nocet in electis, non nocet in
 alijs qui consociati cum electis in externo publico mini-
 sterio perseverat in fidei unitate, non nocet toti Ecclesia.
 Id ipse Christus & ipse S. Paulus in locis tuis aperte
 testantur, & interpretationem conclusionemque tuam
 damnant. Christus tum, cum in signis & prodigijs trium-
 phabunt pseudochristi, præsignificat futuros electos, qui
 in errorem induci non possint. & alibi promittit, se usq;
 ad seculi consummationem permansum esse nobiscum.
 S. Paulus non ad omnes, sed ad eos qui pereunt, progres-
 suram esse Antichristi seductionem, nec iri damnatum
 omnes, sed illos qui non crediderunt veritati: & vitan-
 dos esse pseudochristos monet. Sentiūt igitur tum Chri-
 stus, tum S. Paulus, non omnes erraturos, non omnes fi-
 dem habituros Antichristo: futuros semper electos, ad
 quos error, nullâ Antichristi corruptelâ, nullâ pseudo-
 christorum depravatione profici sci possit.

Id Pappe secundò considera, & vide quomodo con-
 tra Christum, contra S. Paulum concludas: Quia Anti-
 christus erit, quia pseudoprophetæ inualescent, & effica-
 ces errores proseminalbunt: idco puram nullam futu-
 ram Ecclesiā, nulos electos sine errore cognituros scri-
 pturam: in ipsam totā Ecclesiam, in publicum omnium
 Ecclesiarum ministerium, & ad ipsum electos, tanquam
 omnibus Spiritus sancti fractis & conuulsis repagulis, in-
 undaturum errorem: ut Schmidlinus ineptissimus faber
 contra Christum in Esslingenibus seditiosis clamoribus
 publicè vociferatur: & tu Pappe, vel idem senties, vel ni-
 hil te concludere non negabis. Nam si cum pseudochris-
 tis electi Christiani erunt, non infecti eorum erroribus:
 si An-

si Antichristus non omnes in fraudē impellet: si quidam ab eius via doctrinaque discessionem facient, quomodo cum Antichristo non erit pura Ecclesia? quomodo perspicuitatem scripturæ in omnibus locis & membris obscurabit Antichristus? Id verò si non est, ostende Pappe, vim consecutionis in imaginario enthymemate, quod Emetingè disiectum, iam in præfatione recolligere & expolire magis cupis: dic quare, quia Antichristus erit, & pseudochristi erunt, ideo pura & inhærens in intelligentia scripturæ Ecclesia non erit? Nomina locum vbi Christus, vbi S. Paulus innuat, quod tu temerè contra saluatorem tuum, contra religionis Christianæ principem, contra te ipsum inani ratiuncula concludis.

Scio quid obiectare recentiores quidam vestri, facti quotidiana pugna circumspectiores, ad sustinendam imprudentiam vestram assoleant: non negari à vobis singularium electorum occultā puritatem & perfectionem, sed negari puritatem publici ministerij & confessionis publicæ. At rursus Pappe: Primum, quod scripturæ testimonium nominabis, in quo credere illud, quod dicitis, iubemur vbi Christus vñquam, vbi Apostoli vñquam sub Antichristo, & sub pseudoprophetis antedixerunt, nullam residuam futuram esse in publico ministerio & in publica confessione puram Ecclesiam para te Pappe, & cita locum.

Deinde an non contrà ipse Christus, electos mansuros pronunciat nullo illaqueatos Antichristi errore? an igitur illi Ecclesiam non constituent? an publicum ministerium purum non habebunt? an confessionem publicam puram non eloquētur? at Pappe, quomodo electi erunt, si purè publicè in ministerio & in confessione non scruient Deo? si sub silentio participabunt publica ministeria Antichristi?

Rursus si Antichristus & pseudochristi omnium Ecclesiarum ministeria turpificabunt: si in omnium Eccle-

K 2 siarum

siarum & hominum linguas vinculum iniijcent, quomo-
 do Lutheranæ Ecclesiæ ministerium & confessio, pura &
 publica esse sinuntur? si quia Antichristus, & quia pseu-
 dochristi regnāt: idcirco publicæ Ecclesiæ omnes infecte
 errore, & ad silentium repressæ sunt: quare Ecclesia Lu-
 therana tua sub innumerabili errorum multitudine &
 sub Antichristi dominatu: & libera ab errore & audaciſ-
 sima facta est ad loquendum? Si dices inde fieri quod at-
 tenuata Antichristi superiorum annorum potentia, ma-
 gis se attollere Ecclesia Christi possit: at Pappe, plus ad-
 huc hodie quam primis quingentis post Christum secu-
 lis per Dei gratiam Papa Roman. Saluatoris Christi per
 terram Vicarius, quem vos Antichristū, ineptissimi Anti-
 christiani homines per incredibilem monstroſam deli-
 rationem fingitis, externa opulentia & Principum præsi-
 dio, & hominū obsequio in Ecclesia Christi ad summum
 splendorem floret. Itaque si quo Papa est impotentior,
 hoc purior est Ecclesia: quare primis illis quinque secu-
 lis non fuit purissima? dic Pappe, & simul respōde, si ini-
 tium Antichristi post Apostolorū statim ætatem sic for-
 didauit omnes publicas Ecclesiæ, vt pura nulla esset, cur
 si Antichristus Papa Romanus est, hodie in maxima ad-
 huc eius per totum orbem profusa amplitudine Ecclesiæ
 vestræ puræ sunt? cur non vestigium contagij in vobis
 hæret? & cur ad vos non serpit? an enim interdum Anti-
 christus corrumpet omnes Ecclesiæ, interdum non cor-
 rumpet? At quare per mille quingētos annos continuo
 corrupt? an semper armatus externo gladio sic fuit, ut
 quod vñus Lutherus potuit, posset quindecim seculo-
 rum uberrimo amplissimoq; spatio Christianus nullus?
 & ne tum quidem cùm is quivobis Antichristus est pro-
 fus imbellis, & ipse sub Cæsarum tyrannidem subiectus,
 vitâ in Christi religione poneret. Tum igitur quare nul-
 la pura publica erat Ecclesia? quare non erat SS. Marty-
 rum? qui nullius Cæsaris vel Antichristi saitiam perti-
 mesce-

mescebat: cùm Antichristus inclusus in carcere, ad nullam adhuc vel dignitatē vel potentiam ascendisset? Quomodo igitur tum sordidauit Ecclesias Antichristus: an eo solū quod in mundo esset: at rursus ubi scriptum est Pappe? deinde quare ne iam quidem in Lutheranis Ecclesijs infigit venenum, & aspergit sordes: in ista Romani Pontificis quam oculis videtis, clientela Principum? regni amplitudine? vberitate opulentiae? que ante annos mille non fuerunt? si Antichristus est Papa Romanus, ut criminose scelestaque confingitis Lutherani narratores, Antichristi veri satellites & nuntij: & reuera illi, in quos vaticinatio S. Pauli à te ex 2. Timoth. 4. apposita, coloribus omnibus & effigie lineamentorum omnium conuenit. Vos sanam mille quingentorum seculorum doctrinam non sustinetis: ad vestra desideria, vt futor quisque vel sartor in hanc vel illam opinionem propendet, accumulatis vobis magistros, Lutheranos, Calvinistas, Flacianos, Vbiquistatas, Svvenckfeldios: pruritis in auribus ad nouitatem carnalium somniorum, & immoderatae licentiæ, & à Catholica veritate auersas aures accommodatis ad fabulas nouas, & ad nouos ructus Saxonicae cervisię: homines tumidi & voluptatū amantes magis quam Dei: qui domos penetrant & captiuas ducunt peccatis oneratas mulierculas: discitis semper, vt quotidie nouus spiritus annis penè triginta in Lutherum influxit, & ad cognitionem veritatis peruenitis nūquam: neque quando in religione consistendum sit, intelligitis: nec annum præterfluere sinitis quo non vel pro rorsus nouam religionem, ad nouæ imaginationis nouum simulachrum adificatis, vel nouo commēto sarcitis hiantem vel fulcitis labantem sectam: vel plicas, in quibus distinebatur Spiritus sanctus, magis soluitis: vel rem non satis perceptam ad perfectiorem sensum reuocatis: sēpe etiam vetera nonnulla tollitis: constituitis noua: sicque religione iuratis, vt pueritalis.

K. 3.

Sed.

Sed quid ista Pappe, ad diffundendos temerarios pappos tuos, opus est tam copiosè, tamque fusè pertransstari? dicam breuiter: falsissimas esse conclusiunculas, quas de Christi Dei nostri, & de S. Pauli testimonij*s* inceptissimè contextis, & futurum te omnium Lutheranorum gigantum Principem, si ex Aristotelis vel Rami, vel Lullij vel etiam Philippi logica consequendi necessitatem explanabis, & disiunctos propositionis tuæ terminos qualicunque modo deuincies. Verùm, non potes Pappe, & falsum est, quia Antichristus & quia pseudoprophetæ erunt: ideo nullam puram futuram, & nullam vacuam ab errore, & nullam in perspicuè cognoscenda scriptura versantem Ecclesiam. Falsa illa sunt Pappe, cōfectoria non sunt: simul Antichristus, & pseudochristi, & pseudoprophetæ sunt, & simul cum illis est Ecclesia publica pura: neque isti Ecclesiam nec Ecclesia illos tollit: crescent pariter usque ad diem iudicij: nec ipse Christus, cūm pseudochristos prænuntiat, Ecclesiæ puræ locum non relinquit: nec S. Paulus, cūm Antichristum venturum significat, Catholice totius Ecclesiæ ministerium publicum & confessio nem publicam ex orbe terrarum amandat: magis simul esse demonstrat: & magnam quidem in particularibus Ecclesijs & in singularibus membris calamitatem ab Antichristo & à pseudoprophetis accipit Christi Ecclesia: tamen nunquam tota in toto mundo nec euertitur, nec obscuratur, nec ab amore & cōfessione sponsi sui dimouetur: nec si quotidie mille Antichristi, & infinita millia pseudochristorum & ranarum nascerentur. Iuxta se Ecclesia Catholica Antichristum & pseudochristos, quousque Deus permittit, tolerat, vt hodie sine dcessione puritatis Catholica sancta fides nostra adiunctam in mundo uno, in prouincia vna, in vrbe vna, sæpe etiam in uno templo, pseudochristorum, Lutheranorum & Caluinstarum sectam habet: sed in se societatemque suam nunquam recipit, & altaria semper sua contra altaria Antichristi

christi & pseudochristorum edificat, & tantò maiorimō
litioне, q̄o plus premitur.

Nec annis mille quingentis Ecclesiam turbabit Antichristus, singularis ille à S. Paulo descriptus perditionis filius: pseudochristi & pseudoprophetę & Antichristi de quibus S. Ioannes in epistola loquitur, infiniti sunt: sed Antichristus S. Pauli & S. Ioannis in Apocalypsi & S. Danielis unus est: nec esse potest Papa Romanus: ne quidē si omnia quae Papa credit, falsa & damnata essent. Nugae istae sunt & insipientiae delirantium Lutheranorum, qui ex insectatione Catholica Ecclesię & iaciendis in Papam conuitijs, & imponendo in Christi Ecclesiam Antichristi nomine, dilatare sectam cupiūt, & quasi Antichristus, cuius præcursores sunt, ad eos non attineret, sic rem Antichristi retinent: repudiant nomen: & vt crimen sectæ magis occultent, transferunt in alios.

Verùm ista huius considerationis non sunt, & satis ineptias iam Pappi, & inscientiam scripturæ, & vanitatem in argumentando demōstrauimus: tamen aliquando nouo spiritu animatus Pappus, ostendat necessariam rationem connexi. & quare sequatur, quia Antichristus & pseudochristi sunt: ideo nullam publicam esse puram & clarè mysteria scripturæ percipientem Ecclesiam: & quousque Antichristus est, etiā in prima eius statim procreatione, esse Ecclesias publicas omnes impuras, & projectas in caliginem ad minùs perspiciendū natuum scripturæ & domesticum sensum.

Octauò Pappe, falsitatem an ridiculam ineptam Ie. VIII. Vanitas pidissimam desipiētiam dicam, quod de testimonio Ege-
sippi ex Eusebio proponis, non perspicio. Verum est esse
in verbis Egesippi, quod in ista sententia primo loco spe-
ctas, vsque ad discessionem Apostolorum è vita & ad eo-
rum mortem, qui auribus Euāgelium ab Apostolis susce-
perunt, puram & incorruptam virginem permansisse Ec-
clesiam. Sed Pappe, quomodo inde, quo argumentandi
arti-

artificio concludis, nullam sine nōuo & doctrinæ inclinatione post Apostolos per orbem terrarū omnium relictam fuisse liberā ab errore Ecclesiam? Edissere Pappe.

Primū Egesippus ipse se in testimonio explicat: cùm eō virginem sub Apostolorum ætate nominari Ecclesiam tradit, quia hæretici vel nulli essent, vel splendore Apostolorum percusi, vim nullam in Ecclesiam inferrent: vt postea Ecclesiam sic deinde corruptam fuisse ait: cùm contra veritatis prædicationem hæretici audaciores obitu Apostolorum facti, errores publicè docere non dubitarent: vt castam virginem Ecclesiam esse, nihil aliud sit Egesippo, quām sic contra hæreticos splendere totam omnium prouinciarum Ecclesiam, vt in omnibus membris & præsertim publicis Ecclesijs gloriose castitatem doctrinæ Christi tutetur: quemadmodum vicissim non esse virginem Ecclesiam Egesippo id tantū significat, quod ingrauescens hæreticorū perfidia, publicè contra religionis veritatem attollere caput, & spargendis erroribus ædificare delubrum audet, contra facellum & contra ouiariam Christi. Sic enim apertissimè loquitur Egesippus. At quem inde pappum concludemus Pappe? an sequitur publicam idcirco nullam puram esse Ecclesiam? cùm tota omnium gentium Ecclesia non in se, sed in quibusdam membris constupratur ab hæreticis? à Luthe-to? à Zwinglio? à reliquis?

Verum est Pappe, sic Catholicam totam Ecclesiam Christi ne hodie quidem esse virginem vt Egesippus virginem intellexit: quia nec latent hæretici, nec inclusi in locis obscuris continentur: sed liberrimè, vlciscente impietatem nostram Deo, per orbem terrarum, per aulas, per vrbes, per templa peruagati, procellas sectarū in Ecclesiam iactant, & nobilissimas prouincias detractas ab obsequio Ecclesiæ, sub furorem suum subiiciunt, peneq; magis quām vera Ecclesia triumphant. Sic igitur tota Ecclesia virgo hodie non est: fuit cùm Apostoli viuerent: fuit

fuit ante VVicleffum & Hussium: fuit antequam Lutherus & Zwinglius primū paucos homines, deinde terras integras stuprarent. Tamen adhuc virgo est Catholica Christi Ecclesia, vt lily inter spinas, etiam in istis hæreticorum furiosis tumultibus, non quidem tota eorum societas qui Christi nomen quoquo modo profitentur, sed vera tātū Christi Ecclesia, quæ post seditiosas & corruptas partes est reliqua.

Quid igitur Pappe? an Ecclesia post Apostolos virgo non fuit? an hodie non est? vt Egesippus virginis vocem usurpat, certè aliquandiu post Apostolos, & hodie virgo tota non est: tamen est alio modo: est in puris partibus: est in ministerio publico: est in tota per omnes omnium prouinciarum tractus fusa Catholicorū hominum confoederatione. An verò Pappe, quia propter impressionem & audaciam hæreticorū virgo in omnibus membris esse non sinitur, ideo reliqua Ecclesia virgo non est? & an propterea nulla pura publica est Ecclesia? an cùm hæretici aliquot particulares Ecclesias post Apostolos derota Ecclesia decerperent, & vt priùs fuerat, virginem esse totam omnium Ecclesiarum complexionem non sinearent, nulla erat, quoisque terra longè lateque porrigitur, virgo & pura publica Ecclesia? Sed quare Pappe? considera rem ex Lutheranismo. Nam Lutheranam tuam sectam, tametsi vera esset religio, tamē Egesippus non permetteret esse virginem, dilaceratam à tot Zwinglijs, & Caluinis, & Schwenckfeldijs, & Libertinis, & Arianis, & alijs intus in ventre Lutheri natis procreationibus. An igitur Pappe, quia isto modo virginitatis cognomentum non retineret, etiā pura Ecclesia publica non esset, si vera esset Christi Ecclesia? Quid respondes Pappe? Ecclesia Christi in Saxonia priusquam Lutheri veneno consputaret, pura virgo fuit, cùm non modò hæreticū in se non ferret, sed armis contra vicinos hæreticos decerneret, vt caput obiectare per prouinciā hæreticus nullus auderet.

L

An

An iam adhuc virgo est, tot ditionibus, tot ciuitatibus præcipitatis in errorem? & in istis publicis hæreticorum furijs? sed rursus, an propterea multe per VVestfalam & per agrum Hildesheimicum publicæ puræ Ecclesiæ non sunt? & an virgines non sunt? quæ oblatum à Luthero stuprum constanter repulerunt? quæ in sinceritate veteris doctrinæ persistunt? quæ fidē eandem & eundem cultum Deo adhibent ut fecit antecedens Ecclesia, cùm tota adhuc illibata & omnibus partibus intacta virgo esset?

Nec igitur Pappe, quomodo virginē appellat Apostolorum Ecclesiam Egesippus, in ista textus evidentia animaduertis: nec quid inde consequens sit, intelligis. Si Pappe, illa Ecclesia virgo & pura non est, cōtra quam hæretici impietas suas cum magna hominum affectatione docent: cur indicū puræ Ecclesiæ ponitis puritatem doctrinæ? An enim puritas doctrinæ retineri non potest inter fremitus & dissimilitudines hæreticorum? sed tum rursus ut dixi quomodo pura Lutherana secta & quomodo virgo erit? & quid Egesippo respondebis, qui expressè dicit, Ecclesiam tum, cùm virgo ut priùs fuit non erat, tamen à puritate doctrinæ non discessisse? Tentarunt, inquit, hæretici contra veritatis prædicationem, cōtra prædicare (*αντικρύσταν*) doctrinas falsas? Simul igitur Pappe, & Ecclesia purè docebat, & simul hæretici in suis stabulis contra illam propagabant errorem. Alioquin quomodo & κήρυγμα τῆς ἀληθείας & ἀντικήρυγμα τῆς φευδονόμου γνώσεως, simul consistent, ut simul coniunxit Egesippus? An verò Pappe, si purè docebant, publicæ puræ Ecclesiæ nullæ erant? & an cùm virgo tota prior Ecclesia in omnibus membris non maneret, propterea reliquum Ecclesiæ intactum ab hæreticis, virgo non fuit? etiam cùm in fide sponsi Christi inhæreret? an sponsa Christi cùm à simplicitate sponsi non excidit, casta virgo non est? Miser Pappe, qui apertum textum corrumpis, & album ex nigro concludis: & ut spōlæ Christi pudicitiam eripias, ne quidem

dem sectæ tuæ nomen virginis relinquis, quæ virgo esse non potest, si omnis tempestatibus hæreticorum concusfa Ecclesia virgo non est.

Sed adhuc Pappe, an putas tam scelestum fuisse Egesippum, vti sunt Lutherani? vt sponsam Christi uno unquam temporis momento castam esse virginem non concederet? An sacrilegium, an flagitium horribilium exco-gitari potest, quam sponsam Christi & sponsam omnium terrarum agnoscere pro scoto publico, & Ecclesiæ pro lustrorum & libidinum meretricia domo? Si enim Ecclesia post Apostolos virgo nō fuit: meretrix igitur fuit, adultera fuit, & domus non Dei, sed stuprorum. An verò sic Pappe sentiret Egesippus? an ferret Eusebius Egesippi amator? qui lib. 4. cap. 7. quatuor post primum locū paginis, palam confitetur, Ecclesiam diu non premi, semper iterum splendescere, extinctis hæreticis & deletis erroribus, & semper eundem CLARITATIS tenere modum: An igitur interpretationem tuam toleraret Eusebius, fatuus ipse Egesippi interpres? & eosque ut diceret tam turpem calumniam qualem tu Pappe audes, nullum ante annos mille quingentos amplius ausum fuisse impone-re in Ecclesiam? etiam cùm sancti mortem diu oppetiuissernt Apostoli? Quomodo verò negaret virginē esse Ecclesiam post Apostolos? cùm non neget, progressum semper ad augmentum & magnitudinem esse post Apostolos, & circa eadem, & eodem modo consistere splen-dorem Ecclesiæ Catholicæ, quæ sola vera sit Ecclesia? Quid cogitas Pappe, cùm scelus vestrū & imprudentiam consideras? an isti autores audaciam vestram iuuarent? cœurtunt funditus, nec illi tantum, sed etiam considerati omnes viri, etiam hæretici non dicent virginem nō sem-per esse sponsam Christi: non tātum occultam electam, sed etiam publicam electam, quæ confitetur spōsum do-mi, foris in templo, extra templum: nec villo modo par-ticipat hæreticorum stuprum.

Oscæ verò exemplum & Esaiæ, quæ arripunt Luthe-
rani frustra ad se traducunt: partem illi semper Ecclesiæ,
nunquam totam Ecclesiam stupri insimularunt: nec ad
Ecclesiā Christi pertinet, maioribus præsidijs defensam,
& non clausam vnius prouinciæ angustijs, & excitatam
semper à Spiritu sancto ad confitendum fidem, & ad non
ferendam idolatriam.

Sed satis est Pappe, nugæ sunt, pappi sunt, quæ conclu-
dis miserrimus conclusor, miserrimus iugulator virginiti-
tis, etiam in secta tua, & tantus hostis pudicitię in Eccle-
sia, vt nec sectam tuam virginē esse concedas, si argumen-
tatio tua pondus habet, & si in eum sensum valeret auto-
ritas Egesippi, in quem tu per vim deflectis. Tamen ali-
quando euigila Pappe, & ostende consequentiam. Ege-
sippus totam Ecclesiam sub Apostolis virginem puram
fuisse testatur, quo usque à nullis hæreticis publicè appe-
tebatur. Ergo postea nulla in vniuersum Ecclesia publi-
ca Christi pura & virgo fuit, & ne iam quidem Lutherana
est, vt certè nec virgo, nec pura, nec Ecclesia est Luthe-
ri colluuius, sed monstrorum vorago, & errorum cœtus
& fanum blasphemiae. Progrediamur.

IX. Falsitas
Theologica
Pappi.

Nonò rursus occurrit Pappe, detestabilis falsitas pri-
ori tua, quam & caput & calcem falsitatum tuarum & ca-
lumniarum esse sinemus: quod omnia, de quibus eosq;
vobiscum disceptamus, planè noua, & cum initijs suis in-
scripta in libris Pontificijs, & contra scripturam perspi-
cuè absurdæ & vanæ: item quod nouum totum doctrinæ
nostræ genus, & tuim scripturis sacris tum purioribus Ec-
clesiæ noui Testamenti seculis prorsus incognitum esse,
perfidiosissimè mentiris. Et vt non dissimiles quid sen-
tias: apponis statim, Merita humanorum operum, Con-
fessionem auricularem, Satisfactionem mandatam à Sa-
cerdote, propitiatorium sacrificium Missæ, Sacramenta
quinque supra Cœnam & Baptismum, Purgatorium, Or-
dines monachorum & monialium, primatum Papæ, &
sexcen-

sexcenta alia: quæ omnia noua & sic comparata esse scribis, ut à vobis possint ex scriptura & Patribus perspicuè confutari: à nobis ex perpetuo Ecclesiæ cōsensu demonstrari possint nunquam.

Quid repetam Pappe? Iam enim quām putidum scelestumque mendacium sit aperui, & flagitiosam turpidinem tuam ante omnium conspectum in clarissima luce collocaui. Addam igitur nihil aliud, quām quod tum scripsi: tot esse mendacia quot isto loco verba & nominas & innuis, & mentiri te bis sexcenties: mentiris infinitè Pappe: tamen ignosce quòd paulò tecum agam insuauius, & culpam in te consistere impudentiaque tua puta.

Si verò tantus bellator es Pappe, si ea quæ dicis tutari argumentis, si adumbrare & pingere fuko sapiētia, si non dico ad perfectam rationem, sed ad externam speciem & similitudinem veri probare potes: suscipe mecum pugnam Pappe, coram angelis, coram vniuerso mundo, coram toto Imperio, & quoquo loco tibi comodum & mihi tutum erit. Nisi patefaciā omnia nostra vetera esse, & vel magnis literis expressa in scriptura, vel significata per consequentiam, vel inuoluta in complexione generis, & testificata per æquabilē perpetuam consensionem seculorum omnium, & illustrata sanguine Martyrum: nisi Pappe, ista omnia necessarijs connexis sic ostendam, ut verbum nullum relictum ad obtegendam tuam inanitatem habeas: nisi simul omnia vestra noua & turpiter noua, & aliena ab omni sensu intelligētiaque scripturæ, & ignota omnibus omnium terrarum & omnium hominum Ecclesijs esse commōstrabo: nisi isthæc omnia Pappe, liquidò planissimeque sub oculos subijciam, dices liberè, bis millies me mētiri Pappe. Et vt parare te ad conflictum & armare meliùs possis, quām iam fecisti, concludam iam, & tum deinde contrate & contra omnes infernales furias sustinebo, Nullum Apostolum, audi Pappe, nullum S. Martyrem, S. Patrem nullum, nullum per se-

decim penè secula Orthodoxū: arrige aures Pappe, nullum hæreticum, nullam Ecclesiam, nullā urbem, pagum nullum, domum nullam, hominem nullum, virum nullum, mulierem nullam, senem nullum, puerum nullum, infantein nullum de religione Christiana quousque orbis gentium & terrarum omnium longè lateque profus est, sic vñquā sensisse, vt sensit Lutherus, & ista omnia credidisse quæ credidit Lutherus, pestis & tempestas Lutherus Papæ, & religionis Christianæ, & mors pietatis, & exemplum incredibilis audaciæ, excitatus à Deo (vt ipse confitetur) tanquam generalis diabolus ad reliquos coercendos diabolos. (Tomo Germ. 6. fol. 360. b.)

Finem igitur h̄ic Epistolæ faciam Pappe, & cum inconstantijs atque ineptijs in rumpendo abijciendoque promisso, & cum falsitatibus tuis in domum te tuam & in fordes, in quas ipse procidisti, retrudam, tamque diu iacere sinam quousque Deus collustrans tenebras tuas donet tibi spiritum sapientiæ & reuelationis in agnitione Christi, & illuminatos oculos ad intuendum in gloriam Dei & in beatitudinem sempiternam. Tum enim ipse ex luto, in quo iaces, attolles caput, & lacrymis damnabis infelicitatem tuam, & parallela tua, lachrymosa parallela, & Christo Deo impertiens gloriam, confiteberis vera omnia esse quæ scripsi, & in epta falsaque quæ tu non ad veritatem tuendam, sed ad quoquo modo sustinendam promissi leuitatem, & ad colligēdam, vt sperabas, auram gloriamque popularem in publicum contra conscientiam, & contra fidem paci prodidisti.

Interim alij qui hæc nostra legent, etiam cùm infecti partibus erunt, tamen conuicti perspicuitate refutatio-
nis nostræ intelligent, solidè vereque demonstrata esse omnia, quæ in vestibulo Epistolæ in parallelis tuis reprehendimus, & esse verissimum: primò, tametsi testimonia S. Patris aptè cum confessione Augustana coniunxisses, quòd tamen promisso tuo non fecisses satis. Secundò,
quan-

quanquam ad solam istam cōfessionem vestram attinuissest sponsio, quod tamen in vniuersum, nullam sententiam sancti Viri, & ne quidem penē in non controuersis articulis, aptè apposueris ad vllā thesin, & quod de controuersis probaueris prorsus nihil, nec effeceris quicquā aliud, nisi quod quædam minimè dubia ad dilatandum librum, visum fuit licētiæ tuæ, confirmare ex S. Patre cùm nemo postularet. Tertiò, quod cùm contra exspectationem hominum & contra pactionem essem palam confessus, nō te de S. Augustino declaraturum, quod per omnia fuerit Lutheranus assensor sectæ tuæ, sed tātū quod aliquin Papista, quibusdam locis inclinare in Lutheranismum videatur: tamen rursus peccâris gtauissimè, quod immemor iurisiurandi, cùm Lutheranismum de sancto viro ostēdere, nec velles, nec posses, non factus sis Papista, & cùm si vir honestus essem, alterum præstare deberes, feceris neutrum: magis significaueris, studiosè totum te neglecturum esse iusiurandū. Quartò, quod multis aper-
tis falsitatibus cōmaculaueris Emetingani colloquij historiam. Et quintò, quod temerè in præfatione ad vindicandam illusionem, quam Emetingæ ex inepta collocutione tua retulisti, veteres obtusos gladios rursus in Catholicam fidem acuere, & quasi tum non satis cōminuti disiecti que fuissent, sic de novo in theatro totius mundi ostētare, magno cum sectæ tuæ ludibrio, nō dubitaueris.

¶ Illa igitur quinque de te verissima sunt Pappe, nec negare potes, aut si tam petulans tamq; proiectus ad audiendum eris, vt neges, assistam ad latus tuum, voces omnes quas emittes in fauces tibi repellam, & damnabo falsitatis, & te honestum virum esse non sinam, nisi confessus errorem, accedes in Ecclesiam Catholicam Christi, ad illam nobiscum sequendam fidem, quam S. Augustinus & SS. Patres & SS. Martyres omnes docuerunt ore & calamo, & obsignarunt sanguine, & illuminarunt miraculis. Præstaret quidem Pappe, quod fui ab initio præfatus,

vt pa-

vt parallela tua, miserrima parallela, tamen reuera parallela, & sine concursu in æternum profluentia parallela, nunquam publicasses, & obsecutus literis prioribus meis, quia non posse probari quod susceperas, ipse præfensiisti: vel in quiete delituissest precatus Deum, vt fulgor diuinæ lucis mentem tibi collustraret: vel certè quod officij munericque tui fuit, recta via perrexisses in Ecclesiam Catholicam nostram, neque quid apud Lutheranos de populari existimatione tibi periret, sed quid honestatem deceret tuam, & quid attincret ad animæ salutem, atque ad consequendam cælestem sanctimoniam respectasses.

Tamen Pappe, quia pro hominum ad externam gloriam propensione, fortassis etiam pro pugnaci obstinatione in secta defendenda, ad quam semel tanquam ad saxum adhæsisti, peccatum adeò grauiter fuit, nec reuocari potest: en tibi consiliū ab hoste erroris tui, alioquin animæ & personæ amico: cui si adhuc obtemperabis, si locum cohortationi meæ relinques, magno beneficio affectum te esse, cùm ex vertigine intelligētiā tuam recolleges, confiteberis Pappe: ne dubita. Vides, intelligis, concedis Pappe, nullum vñquam in manus tuas ventrum pappum, quo Augustinum sanctissimum virum agglutines ad hereticum Lutherum: id ipse iam desperasti, & permittis, nec in omnibus, nec semper Lutheranum esse S. Patrem. Quod quia verissimum est, exclude Pappe ex animo cogitationē de S. Augustino, & exclude multò magis de reliqua sanctorum Parrum & Martyrum corona, de omnium Ecclesiæ Scriptorum multitudine: qui omnes deuinciri se cum isto turbine & vastatore religiōnum omnium, patientur multò minùs. Ad istam igitur occupationem, animum Pappe ne applica tuum: ne ex superiori conatu debilitatos neruos iterum frustra contendere: ne te cōfice. Quiesce magis, & agnosce, posse nullo fieri pacto, ne quidem si tota schola societasque tua, ventrem

ventrem & cerebrum rumpat, vt vñquam vel S. Augustinum, vel alium S. Patrem & Martyrem, vel quenquam omnium hominum per omnes angulos & anfractus terræ, in longissimo mille quingentorum annorum tempore fuisse Lutheranum, assensorem fatuitatū omnium Lutheranarum, per vllam probabilitatem commōstretis. Sed tum Pappe, duæ relictæ tibi viæ sunt, in quas ingredi potes: vna vt liberè & constanter edicas, iuratum esse imprudenter, nec qui sic iurant, astringi ad seruandum iusurandum: altera vt sanctum promissum liberaliter prolixèque serues, & cum Christo te, cumque Christi Catholica nostra Ecclesia & Fide coniungas. Vtrum malis, positum erit in delectu tuo: tamen si leuitatem in iurando accusabis, profiteri simul statim publicè debes, nullum te in memoria maiorum omnium nostrorum, & in quindecim omnium gentium & terrarum retrò seculis, scire Lutheranum hominem, & tam nouam esse delirationem sectamque vestram, vt ista omnium errorum cōcretione, ad quam à Luthero paulatim accumulata collectaque fuit, in lucem & in mundi aspectum venerit nunquam, donec Lutherus, tum ex veterum hæticorum omnium omnibus thecis quædam exceptans, tum de fœcunditate libidineque petulaftiæ attrexens reliqua, & rursus inter semiscens & mutans de die in diem, tandem istam versicolorem, prodigiosam, & confusam ex omnibus erroribus religionis speciem, non quidem ante obitum absolueret, sed vt ille inchoauit, sic vobis relinqueret poliendam & refingendam quotidie. Sed quām honorificum id tibi, & quām gloriosum sectę futurum sit Pappe, perpende prius momētis omnibus, & credē, si in istam te dabis consilij rationem, paratum iam responsum esse ad gratulandum tibi & sectæ, nouum ad veterem dignitatem vestram appensum ornamentum.

Itaque Pappe, si rursus mihi morem geres, dimitte priorem viam: ingredere in alteram: & quia de S. Augu-

M stino

stino quod iurasti, præstare non potes, nec potest quisquam alius, confer te ad posteriorem seruandam iuris iurandi partem: discede à turpitudine Lutheri, congrega te nobiscum ad istam fidem & ad istam Ecclesiam, quam Apostoli seminarūt, SS. Patres & Martyres excoluerunt, maiores nostri quanquam interpellatam ab hæreticis & gētibus, tamen integrā ad nos contra omnium diabolorum furias propagarunt, quæ ex ore Christi per Spiritum sanctum influxit in Apostolos, & in SS. Martyres, & in SS. Patres, & ab his per prædicationem, per libros, per miracula, per gloriōsè oppetitas mortes, per omnium Ecclesiarum consensum, per Episcoporū perpetuas successiones æquabili cursu, sine vlla vaſtitate doctrinæ ad nos per mille sexcentos annos fusa, per omnes promanauit totius mundi prouincias, & usque ad finem orbis terrarum, quo usque Christus saluator ad iudicium veniet, fine impedimento procurret, non occulta, non sub sca-mnum abstrusa, semper aperta, semper publica, in ministerio, in confessione, in sanguine, in propugnatione pro religione contra gentiles, contra hæreticos, contra Antichristum, contra ipsum omnium diabolorum cœtum: ut quid fecerit, quos triumphos egerit, quem cultū Deo in templis adhibuerit, quomodo pressa, rursus floruerit, quomodo splendescens iterum calamitatem in externa pace senserit, quid de sponso suo, quo pacto crediderit, per omnes etates & omnium annorum cōuerſiones cognosci, & tanquam oculis adspectari possit: nunquam in ministerio publico, vel professione doctrinæ locis omnibus & in publicis Ecclesijs omnibus impura.

Ad hanc, Pappe, fidem & Ecclesiam si accedes, & nobiscum te consociabis, seruabis pacum, honestus vir eris, & bonus ciuiis Reipublicæ, animamque tuam creptam ex fauibus inferni, eo loco sistes, ubi perfui sanguine Christi, quem pro nobis effudit, & inire viam in celum ad participandam sempiternam beatitudinem potes. Nec dubita

bita Pappe, cùm ad suaue iugum Christi assuefces, cùm Ecclesiæ Catholice doctrinam, detracta per Deum de oculis cordis tui caligine, pleno lumine aspicies: miraberis superiorum annorum tenebras: miraberis oppresam & cæcatam intelligentiam, vt oculos in Lutheranismo & aures habens, non videres nec audires: miraberis potentiam Spiritus sancti & libertatem donorum, & perpetuitatem custodiarum, & defensionem doctrinæ, & concinnitatem ordinis in Ecclesia, mihiq[ue] quòd adduxerim incredibiles & h[ic], & in mundo, & mortuus, in conspectu Dei gratias ages.

Sin Pappe, contra conscientiam, contra religionem, fidemque iurisurandi, contra obtestationem Dei quam Emetingæ fecisti, etiam cùm S. virum Augustinū adiungere ad sectam vestram non potes, tamen infixus hærebus in squalore sordibusque Lutheranismi, nec Catholicam, Papisticam, & solam veram in Christum fidem suscipes: primùm intenta voce nos & magnis lateribus, per mundum clamabimus, periurum factum Argentinēsem Papum, honestum virum & bonū ciuem non esse, qui promissum non serueret, iuriandum negligat, & se negligere libenter testetur. Deinde tametsi iam in isto sensuum omnium & conscientię stupore non credis, tamen intelligentia aliquando, nisi resipiscens & abscedens à Lutheri fœditate, in gremium & complexum Ecclesiæ nostræ ad bibendum ex huius vberibus sanguinem Christi, cōfugies, clausum tibi non modò cælū, sed obstructas omnes vias es[ci]e ad aditum cæli: quòd non intrat aliquid inquinatum aut abominationem faciens & mendacium.

Deus te, Pappe, in lumine Christi filij illuminet: vt sectæ deformitatem tuæ cognoscens, non solum propter sanctè iuratum iuriandum quo te coram Deo & mundo obstrinxisti, sed multò magis ad miseram tuam in cælum, & in Sanctorum concilium inferendam animam, fias & mancas, quod futurum te & mansurum iurasti, Pa-

M 2 pista,

pista, affectator Papisticae nostrae Catholicæ religionis, quæ sola in celum & ad participationem meritorum Christi, sponsa ad sponsum, mater ad patrem dicit.

Plura scribere occupationes non sinunt: & hæc ipsa quomodo inter peregrinandum absens à libris, hinc inde scripterim, testimonium illi dicent, qui interfuerunt: tamen intermittere non volui, quin te vinculis libenter suscepisti iurisurandi adstrictum, ad standum conuentis promissisque tuis, & quia primam partem pacti non potes, ad alteram complendam & ad prospiciendum animæ monerem: an fortè Deo placaret, misericordi Patri, intercessione cohortationeque mea, liberare te ab errore, & aggregare ad Christi filij, magni ouium pastoris, veterem & nulla vñquam tempestate cōuulsam ouiariam: quod ut fiat, orabo Deum, & orabunt mecum Catholici multi, de gentilitate tua præstantes viri, qui in gentem familiamque suam, infusum esse Lutheri venenum, vehementer dolent.

Vale Pappe, & quod propemodum oblitus eram, si fortassis pro animi te magnitudine ad responsum comparabis, lege priùs gigantuli noui Tigurini Beumleri, de Romano Antichristo lepidissimè narratam fabulam, quam nuper pro mortui Caluinistæ Sohnij defensione in apertum retulit. Is enim te multò liberalior, non solum Augustinum ad se sectamque suam traducit, sed omnes Papas ante Gregorium Magnum, & ipsum Gregorium ab errore & ab Antichristi malitia liberat: nec priùs Antichristum Papam factū esse tradit, quām ē vita Mauritius Imperator, & Papa Gregorius Magnus excessissent. Id si ille probare potest Pappe, cur tu diffidens de S. Augustino, ita subitò demitteres animum? Sed Pappe dicam in aurem, vt totus mundus inaudiat. Ne auxilium ab isto quære ineptissimo gladiatore, multò inceptiore quām tu es: articulorum de quibus inter nos dimicamus, initium post Gregorium Magnum singit: & Ecclesiæ doctrinam

Etinam post Gregorium, discriminat à doctrina quæ ab ipso Gregorio relata in libros, & ab antegressis omnibus Catholicis Patribus, enuntiata fuit. Is igitur nouam Antichristo religionem non relinquit: nec sinit esse corruptorem religionis Christianæ, cum in fide Catholica nostra syllabam nullam ostendere possit, non eodem modo à Gregorio Magno, & ante Lutheri Antichristum traditam. Sed quid istius hominis librum nomino, quo nescio an insulsius vllus & inanior liber lucem huius mundi aspicerit vñquam? Itaque prorsus præter Grammaticam nihil habet dignum vñto literato, totus imbellis, nugatorius, temerarius, sine specie Dialecticæ, & sine indicio Theologicæ doctrinæ, ut penè nulla sit pagina, in quam non aliquot antilogias illigauerit. Ne igitur, Pappe, ab illo spera patrocinium, qui te causamque tuam, multò magis affligeret. Serua potiùs fidem: da gloriam Deo, contemne mundum: oculos in Christum infige, & attolle animum in cælum: & vale Pappe, factus ex Papista, Papista. Ex Constantia Nonis Februarij anno 92.

Salutis tue, quam tu amantior:

sed hostis secta tue.

IOANNES PISTORIUS

Nidanus SS. Theologiae
Doctor &c.

M 3 EPI-